



In angebundenen Schrift: Eyn weyße Itri//
stlich Mess zu // halten... fehlt Blatt DV. und DVI
letzteres ist in den andern Exempl. leer.

Abb. 30.
a.

//
VI



[Faint, illegible handwriting, possibly bleed-through from the reverse side of the page]



Bayenzeit

§ 306.

Vertrag des Bayrischen Königs Ludwig I. mit dem Kaiser Franz I. über die
die Befreiung, von der Gerechtigkeit und
in Bayern, gegeneinander durch d. Herzog Ludwig

in München gedruckt zu München durch Georg
Jann 1833.

w





Vom kriege
widder die
Türcken.
Dar. Luther.
M. D. XXVIII.
Wittenberg.

Bog. B n C neu gesetzt

4/vii.06

BRUNNEN

BRUNNEN

BRUNNEN

BRUNNEN

BRUNNEN

BRUNNEN

69

Dem Durchleuchtigen hochgeboz
nen Fürsten vnd Herrn/ herrn Philipps Landgras
uen zu Hessen/ Grauen zu Katzenelbogen/
Zigenhain/ vnd Tida/ meinem
gnedigen Herrn.



Gnad vnd fride ynn Chri
sto Ihesu vnserm Herrn vnd Heilande/
Durchleuchtiger Hochgeborener Fürst
Gnediger Herr: Es haben mich wol fur
funffiaeren ettliche gebeten/ zu schreiben
vom Kriege widder den Türcken/ vnd vn
ser leute dazu vermanen vnd reitzen/
Vnd izt weil eben der Türck vns nahe kömpt/ zwingen
mich solchs auch meine freunde zuuolenden/ Sonders
lich/ weil ettliche vngeschickte Prediger bey vns Deuds
schen sind (als ich leider höre) die dem pobel einbil
den/ man solle vnd müsse nicht widder die Türcken Kries
gen/ Ettliche aber auch so toll sind/ das sie leren/ Es
zume auch keinem Christen/ das weltlich schwerd zu
furen odder zu regiern/ Dazu/ wie vnser Deudsch volck/
ein wust wild volck ist / ia schier halb Teiffel halb
Menschen sind / begeren ettliche der Türcken zu
kunfft vnd Regiment / Vnd solches yrthumb vnd
bosheit ym volck/ wird dem Luther alles schuld gege
ben / vnd mus die frucht meines Euangelij heis
sen/ gleich wie ich auch mus der auffrur schuld tra
gen/ vnd alles was izt böses geschicht ym der gantzen
welt/ so sie es doch wol anders wissen/ Aber Gott vnd
seinem wort zu widder stellen sie sich/ als/ wusten sie es
nicht anders/ vnd süchen vrsachen den heiligen geist
vnd öffentliche bekandte warheit zu lestern/ auff das sie
A ij ia die

ia die helle wol verdienen / vnd nymer mehr rew vnd ver-
gebunge yhrer sunden erlangen.

Derhalben mir not sein wil / von der sachen zuschrei-
ben / auch vmb mein selbs vnd des Euangelij willen / vns
zu entschuldigen / nicht bey den lesterern / welche solten
mir nicht gut gnug sein / das ich mich mit einem wort
gegen sie entschuldigen wolt / Denn das Euangelion sol
bey yhn stincken / vnd ein geruch des todes sein zum tode /
wie sie mit yhrem mutwilligen lestern verdienen / son-
dern das die vnschuldigen gewissen nicht weiter / durch
solche lester menler betrogen werden / vnd argwohn von
mir odder meiner lere schepffen / odder auch dahin ver-
furt werdē / das sie glauben / Man müsse nicht widder die
Türcken streiten. Ich hab aber fur gut angesehen / solch
büchlin vnter E. S. G. als eines berühmten mechtigen
Fürstens namen aus zulassen / damit es deste ein besser
ansehen gewinne vnd deste vleissiger gelesen würde / obs
ein mal dazu keme / das man von eym zug widder den
Türcken handeln würde / die Fürsten vnd herrn eine ges-
meine erinnerunge hetten. Denn ich willens bin / etliche
stücke drinnen anzuzeigen / die wol zubedencken sein
werden / vnd daran macht gelegen sein wird. Befelß
hie mit E. S. G. vnserm barmherzigen Gott ynn seine
veterliche gnad vnd hulde / das er E. S. G. fur allem yr-
thum vnd list des Teuffels behüete / vnd seliglich zu re-
giern erlenchte vnd stercke / Amen / Am neunden Octo-
bris.

1. 5. 2. 8.
E. S. G.

Williger Mars-
tinus Luther.



70
Apst Leo der zehende / ynn seiner Bullen
darynn er mich verbannet / vnter andern
articke[n] verdammet er auch diesen / das
ich gesagt hatte / Widder den Türcken
streiten ist eben so viel / als / Gott widder
streben / der mit solcher ruten vnser sün-
de heimsucht. Aus solchem articke[n] mi-
gen genomen haben / die von mir sagen /
das ich weren vnd widder raten solle / zustreiten widder
den Türcken. Ich bekenne noch frey / das solcher articke[n]
mein sey / vnd zu der zeit von mir gesetzt vnd verteidigt /
Vnd wo es izt ynn der welt stünde / wie es dazumal
stund / so wolt vnd must ich den selbigen noch izt setzen
vnd verteydingen. Es ist aber nicht fein / das man so wol
vergessen hat / wie es dazumal stund ynn der welt / vnd
was mein grund vnd vrsachen war / vnd behelt gleich
wol meine wort vnd zeuhet sie anderswo hin / da solche
vrsachen vnd grund nicht ist. Wer kund mit solcher
kunst / nicht auch aus dem Euangelio eitel lügen ma-
chen / odder furgeben / Es were widder sich selbs?

So stunds aber dazumal / Es hatte niemand geleret /
noch gehöret / wuste auch niemand etwas von der welt-
lichen oberkeit / woher sie keme / was yhr ampt odder
werck were / odder wie sie Gott dienen solt. Die aller ge-
lertesten (wil sie nicht nennen) hielten die weltliche ober-
keit / fur ein heidenisch / menschlich / vngötlich ding / als
were es ein ferlicher stand zur seligkeit / Daher hatten
auch die Pfaffen vnd Mönche / Könige vnd Fürsten so
eingetrieben vnd vberredet / das sie ander werck fur sich
namen / Gott zu dienen / als mess hören / beten / mess stif-
ten zc. Summa / Fürsten vnd herrn (so gern frum ge-
wesen weren) hielten yhren stand vnd ampt fur nichts

A iij vnd

vnd fur keinen Gottes dienst/wurden rechte pfaffen vnd
münche/on das sie nicht platten noch kappen trugen/
Wolten sie Gott dienen/ so mussten sie ynn die kirchen/
Solchs müssen mir bezeugen alle herrn/so dazumal ges
lebt vnd solchs erfahren haben/ Denn mein Gnedigster
herr Hertzog Friderich/seliges gedechtnis/ward so fro/
da ich zu erst von weltlicher Oberkeit schreib / das er
solch Büchlin lies abschreiben/sonderlich einbinden vnd
seer lieb hatte/ das er auch mocht sehen/was sein stand
were fur Gott.

Also war dazumal der Papst vnd die geistlichen/alles
ynn allen/uber allen vnd durch allen/wie ein Gott ynn
der welt/vnd lag die weltliche oberkeit ym finstern ver
druckt vnd unbekand. Nu wolt der Papst gleichwol
Christen sein mit seinem hauffen/vnd gab doch fur zu
Kriegen widder den Türcken. Ober den zwey stücken hub
sich/denn ich erbeitet dazumal ynn der lere/so die Chri
sten vnd gewissen betraff / hatte auch selbs noch nichts
von der weltlichen oberkeit geschrieben / also das mich
die Papisten einen heuchler der Fürsten scholten / weil
ich allein von geistlichem stande handelt/wie sie Christ
en sein mussten/vnd nichts von dem weltlichen/gleich
wie sie mich nu auffrurisch schelten/nach dem ich von
der weltlichen oberkeit also herlich vnd nützlich geschrie
ben habe/als nie kein lerer gethan hat/sint der Apostel
zeit (Es were denn S. Augustin) des ich mich mit gu
tem gewissen vnd mit zeugnis der welt rhümen mag.

Vnter den stücken aber Christlicher lere / handelt ich
auch das/da Christus Mattheispricht/Ein Christ solle
dem vbel nicht widderstreben/sondern alles leiden / den
rock dem mantel nach/faren vnd nemen lassen/ den and
ern

71
dern backen auch herhalten 2c. Aus welchen stücken der
Papist mit seinen hohen schulen vnd klöstern / hatten ei-
nen freyen rat gemacht / das nicht gepoten were noch
not zu halten einem Christen / hatten also Christus wort
verkeret vnd ynn aller welt felschlich geleret / vnd die
Christen betrogen. Weil sie denn Christen / ia die besten
Christen sein wolten / vnd gleich wol widder den Tür-
cken streiten / kein vbel tragen / noch gewalt odder vns
recht leiden / hielt ich mit diesem spruch Christi widder /
das Christen sollen dem vbel nicht widder streben / sons-
dern alles leiden vnd gehen lassen / darauff sagt ich den
artickel / den der Papst Leo verdampt hat.

Vnd thet solchs so viel deste lieber / das ich der Röm-
schen büberey den schalckdeckel neme / Denn die Papse
hattens nie mit ernst ynn synn / das sie widder den Tür-
cken kriegen wolten / sondern brauchten des Türckischen
Krieges / zum hütlin / darunter sie spieleten / vnd das gelt
mit ablas aus deuschen landen raubeten / so oft sie es ge-
lustet / wie das alle welt wol wuste / aber nu auch verges-
sen ist. Also verdampften sie meinen artickel nicht dar-
umb / das er dem Türckischen krieg weret / sondern das er
solch heletepplin abreis / vnd dem geld gen Rom die
strasse legt / Denn wo sie mit ernst hetten wollen kriegen
widder den Türcken / hatte der Papst vnd die Cardinel
wol so viel von den pallijs / annaten vnd andern vnsegli-
chem zugang / das sie solcher schinderey vnd raubens ynn
deuschen landen nicht bedurfft hetten. Were einfeltiger
meynung ein ernster krieg fur handen gewesen / Ich het-
te meinen artickel wol besser vnd vnterschiedlich Kön-
nen eraus puzen.

So gefiel mir das auch nicht / das man so treib / hetze
vnd

vnd reizt die Christen/vnd die Fürsten/den Türcken an
zugreifen vnd zu vberziehen/ehe denn wir selbs vns bes/
setzen/vnd als die rechten Christen/lebeten/Welche al
le beide stück vnd ein iglichs ynn sonderheit / gnugsam
vrsach ist/allen krieg zu widderraten/ Denn das wil ich
keinem heiden noch Türcken raten/ schweige denn eym
Christen/das sie angreifen odder krieg anfahen/welchs
ist nichts anders/denn zu blut vergiffen vnd zu verders
ben raten/da doch endlich kein glück bey ist/wie ich aus
ch ym büchlin von kriegsleuten geschrieben habe/So ge
linget es auch nymer nicht wol/ wenn ein bube den and
ern straffen vnd nicht zuvor selbs frum werden wil.

Aber vber alles bewegte mich/das man vnter Christ
lichem namen widder den Türcken zu streiten für nam/
leret vnd reizet/gerade als solte vnser volck/ein heer der
Christen heissen/widder die Türcken/ als widder Chris
tus feinde/Welchs ist stracks widder Christus lere vnd
namen/Widder die lere ist/da er spricht/Christen sol
len dem vbel nicht widder streben / nicht streiten / noch
zanken/nicht rechen noch rechten. Widder seinen nas
men ist/das ynn solchem heer/villeicht kaum funff Chri
sten sind/vnd villeicht erger leute für Gott denn die Tür
cken/vnd wollen dennoch alle den namen Christi führen/
Welchs ist denn die aller grössste sünde/ so kein Türcke
thut/Denn es wird Christus name zu sünden vnd schan
den gebraucht vnd geuehret/Welchs denn gar sonder
lich geschehe/ wo der Papst vnd die Bisschoffe mit ym
kriege weren/denn die selbigen wurden den namen Chri
sti alzu hoch schenden vnd vnehren/damit/das sie beru
ffen sind/mit Gotts wort vnd gebet widder den teuffel
zu streiten/Vnd liessen solchen beruff vnd ampt anstes
hen/vnd wolten mit dem schwerd widder fleisch vnd
blut

72
blut fechten/welchs yhn nicht befolhen/sondern auch
verboten ist.

O wie frölich solt mich Christus am Jüngsten
gericht empfangen / wenn ich / als zum geistlichen
Ampt gefoddert (das ich predigen vnd der seelen
pflegen solte) solchs hette lassen liegen / vnd dafur
mich kriegens vnd weltlichs schwerds gevlossen.
Vnd wie solt Christus dazu komen / das er / odder die
seinen / mit dem schwerd zu thun solt haben / kriegen /
vnd die leibe tödten : so er doch sich rhümet / Er sey
darumb komen / das er die welt selig mache / nicht
das er die leute tödte / Denn sein Ampt ist / mit dem
Euangelio handeln vnd durch seinen geist / den mens-
chen von den sunden vnd von dem tode / zu erlösen.
Ja von dieser welt zum ewigen leben helffen / Denn
Johannis am. 6. floch er / vnd wolt sich nicht lassen
zum Könige machen / fur Pilato bekand er / Mein
reich ist nicht von dieser welt / Vnd hies auch Petrum
ym garten sein schwerd einstecken / vnd sprach / Wer
das schwerd nympt / der sol durchs schwerd umbko-
men.

Das sage ich nicht darumb / das ich damit wolt
geleret haben / das weltliche Oberkeit nicht solt müs-
gen Christen sein / odder ein Christ nicht mocht das
schwerd führen vnd ym weltlicher Oberkeit Gott
dienen / Wolt Gott / sie weren alle Christen / odder
das sonst kein Fürst sein muste / er were denn Christen /
Es solt wol besser stehen / denn es yzt stehet / vnd der
Türcke solt nicht so mechtig worden sein / Sondern /
ich wil die Ampt vnd beruff eigentlich vnterscheiden
vnd gesondert haben / das ein iglicher sol darauff
B sehen

sehen/wo zu er von Gott beruffen ist/vnd dem selbigen Ampt treulich vnd hertzlich/Gott zu dienst/folge vnd gnug thun/wie ich dauon vberflüssig anders wo/sonderlich ym Büchlin von Kriegsleuten vnd von weltlicher Oberkeit/geschrieben habe/Denn so Paulus auch ynn der Kirchen/da doch eitel Christen seyn sollen/nicht leyden wil/das ein iglicher sich des andern Ampt vnter winde Rom.12. Vnd.1. Corint.12. sondern ein iglich gelied zu seinem werck vermanet/das nicht ein vnordnung sich erhebe/sondern alles fein ordenlich zugehe/Wie viel weniger ist zu leyden die vnordnung/das ein Christ sein Ampt lasse/vnd neme eins andern weltlich Ampt an sich/odder das ein Bisschoff odder Pfarher sein Ampt lasse/vnd neme eins Fürsten odder Richters Ampt an? Vnd Widderumb ein Fürst/neme eins Bisschoffs Ampt an sich/vnd lasse sein Fürsten Ampt anstehen/wie denn solche schendliche vnordnung noch heütiges tagges ym gantzen Bapstum tobet vnd waltet/widder yhr eigen Canones vnd recht.

Man frage die erfarnunge/wiewol vns bis her gelungen sey/mit dem Turcken krieg/so wir als Christen vnd vnter Christus namen gestritten haben/bis das wir zu letzt Rodis vnd schier ganz Hungern vnd viel vom Deudsch. en land dazu verloren haben/Vnd auff das man spüren vnd greiffen mocht/das Gott nicht bey vns sey/widder die Turcken zu streiten/hat er vnsern Fürsten nie so viel mutts odder geists ynn synn gegeben/das sie ein mal mit ernst hetzen mügen vom Turcken krieg handeln/ob wol fast viel/odder schier alle Reichstage vmb solcher sachen willen

79
willen sind ausgeruffen vnd gehalten worden/ Es
wil sich nirgend schliessen noch schicken/ Das es scheis
net/ als spotte Gott vnser Reichstage/ vnd lasse den
Teuffel die selbigen hindern vnd meistern / bis der
Turcke mit guter weile herzu grase/ vnd also Deudsch
land on mühe vnd on widderstand verderbe/ Was
umb geschicht das? Freilich darumb/ das mein ar
tikel/ den Papst Leo verdampft hat / vnuerdampft/
sondern kressftig bleibe/ Vnd weil den selbigen die Pa
pisten/ on schrift aus mutwillen verwerffen/ mus der
Turcke sich des annemen/ vnd den selbigen mit der
faust vnd mit der that bestettigen/ Wollen wir es
nicht aus der schrift lernen/ so mus vns der Turck
aus der scheiden leren/ bis wirs erfahren mit schaden/
das Christen nicht sollen kriegen noch dem vbel wid
der stehen/ Narren mus man mit Kolben lausen.

Wie viel meinstu/ sind wol der Kriege gewest wida
der den Turcken/ darynn wir nicht grossen schaden
empfangen haben wenn die Bisschoff vnd geistlichen
sind da bey gewest? Wie iemerlich ward der feine Kö
nig Lasla zu Varna mit seinen Bisschoffen vom Tur
cken geschlagen/ das solch unglück auch die Hungern
selbs dem Cardinal Juliano schult gaben vnd drum
erstachen/ Vnd izt newlich der König Ludwig sel
villeicht glückseliger gestritten haben/ wo er nicht ein
Pfaffenbeer/ odder wie sie rhümen/ ein Christenbeer
gefurt hette/ widder den Turcken. Vnd wenn ich Key
ser/ König odder Fürst were/ ym zug widder den Tur
cken/ wolt ich meine Bisschoff vnd Pfaffen verma
nen/ das sie dabeymen blieben/ yhrs Ampts/ mit bes
ten/ fasten/ lesen / predigen vnd armer lente/ wartes
B ij ten/ wie

ten/wie sie nicht alleine die heilige schrift/sondern
auch yhr eigen geistlich recht leret vnd foddert/Wo
sie aber darüber/als die vngehorsamen widder Gott
vnd yhr eigen recht/wolten ia mit ym kriege seyn/
wolt ich sie mit der gewalt leren/yhres Ampts waro
ten/vnd mich sampt mein heer nicht also/durch yhr
ren vngehorsam/yim Gottes zorn vnd alle fahr setzen
lassen/Denn es solt mir vnschedlicher seyn/drey teuf
ffel ym heer haben/denn einen vngehorsamen/abtrüß
nigen Bisschoff/der seines Ampts vergesse/vnd eins
vnbefolhens sich vnter wünte/Denn es kan kein glück
cke seyn bey solchen leuten die Gott vnd yhren eigen
rechten widderfechten.

Ich hab von feinen kriegsleuten gehöret/die da
meineten/der König von Franckreich/da er für Pa
uia geschlagen vnd gefangen ward vom Keyser/hab
alle sein vnglück daher gehabt/das er des Papsts od
der/wie sie rhümen/der Kirchen volck bey sich hatte/
denn nach dem dasselbige yim sein lager kam mit groß
sem geschrey/Ecclesia/Ecclesia/Hie Kirche/Hie Kir
che/sey hynfurt kein glück mehr da gewesen/Solchs
sagen die kriegsleut/vnd wissen villeicht die vrsachen
nicht/das dem Papst (als der ein Christ/ia der oberst
vnd beste Christen prediger seyn wil) nicht gepürt/
ein Kirchen heer odder Christen heer zu führen/denn
die Kirche sol nicht streiten/noch mit dem schwerd
fechten/Sie hat ander feinde denn fleisch vnd blut/
welche heissen die bösen teuffel yim der lufft/darumb
hat sie auch ander waffen vnd schwerd/vnd ander
kriege/damit sie zu schaffen gnüg hat/darff sich ym
des Keyfers odder Fürsten kriege nicht mengen/Denn
die schrift sagt/Es solle kein glück da seyn/wo man
Gott

Gott vngehorsam ist.

74
Widderumb/wenn ich ein Kriegs man were/vnd
sehe zu felde ein Pfaffen odder creutz panier/wenns
gleich ein crucifix selbs were/so wolt ich danon lauffen
en/als iagt mich der Teuffel/Vnd ob sie gleich einen
sieg gewinnen/durch Gottes verhengnis/wolt ich
doch der ausbeute vnd freuden nicht teylhafftig seyn.
Wolt es doch dem bosen eysenfresser Papst Julius
nicht gelingen/welcher schier ein halber teuffel war/
Er musste zu letzt Keyser Maximilian anruffen vnd
den selbigen lassen des spiels walten/vngeacht/ob Ju
lius mehr gelt/waffen vnd volck hatte. So meine ich
ia/Es habe diesem nehesten Papst Clemen/sein krieg
gen fast wol gelungen/welchen man doch schier fur
einen Kriegs Gott hielt/so lange/bis er Rom mit al
lem gut/durch wenig vnd vngerust Kriegs volck ver
lor/Es ist beschlossen/Christus wil sie meinen artickel
leren verstehen/das Christen nicht kriegen sollen/
Vnd der verdampfte artickel mus sich also rechen/
denn er ist von den Christen gesagt/vnd wil vnuer
dampt/sondern recht vnd warhafftig seyn/wiewol
sie sich nicht dran keren noch das glauben/bis das sie
verstockt vnd vnbusfertig ymer mehr vnd mehr an
lauffen vnd zu drütern gehen/da sprich ich Amen
zu / Amen.

War ist's/weil sie weltliche heerschafft vnd güter
haben/sollen sie daselbst von dem Keyser vnd Königs
gen odder Fürsten thun vnd geben/was sich gebürt
von andern weltlichen gütern zu thun vnd zu geben/
Ja solche güter der Kirchen (wie sie es nennen) sollen
sonderlich fur allen andern gütern/dienen vnd helffen
en/zum schutz der dürfftigen vnd zu heyl gemener
B iij stende

stende / denn dazu sind sie gegeben / vnd nicht dazu /
das ein Bisschoff seins Ampts vergesse / vnd damit
Kriege odder streite / Wenn Keiser Karolus panier od
der eins Fürsten zu felde ist / da lauffe ein iglicher frisch
vnd frölich vnter sein panier / da er vnter geschworn
ist / wie hernach weiter gesagt wird / Ist aber ein Bis
schoffs / Cardinals / odder Papsts panir da / so lauff da
von vnd sprich / Ich kenne der münze nicht / Wenns
ein betbuch were odder die heilige schrift ynn der kir
chen gepredigt / wolt ich auch wol zu lauffen 2c.

Ehe ich nu vermane odder reizte widder den Tür
cken zu streiten / so höre mir doch zu vmb Gottes wil
len / Ich wil dich zuuor leren mit rechtem gewissen
Kriegen / Denn wie wol ich mocht (wo ich den Adam
wolt lassen gehen) still schweigen / vnd zu sehen / wie
mich der Türcke widder die Tyrannen (so das Euang
gelion verfolgen vnd mir alles leyd anlegen) rechte
vnd sie bezalet / so wil ich doch nicht also thun / son
dern beyde fründen vnd feinden dienen / das meine
Sonne auch auffgehe beyde vber böse vnd gute / vnd
regene vber danckbare vnd vndanckbare.

Auffs erste / weil das gewis ist / das der Türcke /
gar kein recht noch befelch hat / streit anzufahen / vnd
die lender anzugreifen / die nicht sein sind / ist freilich
sein Kriegen ein lauter freuel vnd reuberey / dadurch
Gott die welt strafft / wie er sonst manch mal durch
böse buben / auch zu weilen frume leute straffet / Denn
er streit nicht aus not / odder sein land ym fride zu
schützen / als ein ordenlich Oberkeit thut / sondern er
sucht ander land zu rauben vnd zubeschadigen / die
yhm doch nichts thun odder gethan haben / wie ein
meer

meer reuber odder strassen reuber / Er ist Gottes rute
vnd des Teuffels diener / das hat keinen zweifel.

75

Zum andern / mus man wissen / wer der man sein
sol / der widder den Türcken kriegen sol / auff das der
selbige gewis sey / das ers befelch habe von Gott / vnd
recht dran thu / nicht hinein plumpe / sich selbs zu rech
en odder sonst eine tolle meynung vnd vrsachen habe /
Auff das / ob er schlage odder geschlagen wurde / ynn
seligem stande vnd Göttlichem Ampt befunden wer
de / Der selbigen menner sind zween / vnd sollen auch
allein zween seyn / Einer heist Christianus / der ander
Keiser Karolus / Christianus sol der erst sein mit sei
nem heer.

Denn sintemal der Turcke ist vnser herr Gottes
zornige rute / vnd des wütenden Teuffels knecht / mus
man zuuor fur allen dingen / den Teuffel selbs schlagen
seinen herrn / vnd Gotte die rute aus der hand nemen /
das also der Turcke fur sich selbs / on des Teuffels hül
ffe vnd Gottes hand / ynn seiner macht alleine funden
werde / Das selbige sol nu thun Herr Christianus / das
ist / der frumen heiligen lieben Christen hauffe / das
sind die leute / so zu diesem kriege gerust sind vnd wiss
sen damit umbzugehen / Denn wo nicht zuuor des Tur
cken Gott (das ist der Teuffel) geschlagen wird / ist zu
besorgen / der Turcke werde nicht so leichtlich zu schla
hen sein / Tu ist der Teuffel ein geist / der mit harnisch
büchsen / Ros vnd man nicht mag geschlagen wer
den / Vnd Gottes zorn sich damit auch nicht versünen
lest / wie geschrieben stehet Psalm. 33. Er hat nicht
lust an der stercke des Rosses noch gefallen an yes
mands beynen / Der Herr hat gefallen an denen die

B üij yhn



yhm fürchten vnd die auff seine güte warten / Christliche waffen vnd krafft mus es thun.

Hie fragestu / Wer sind denn die Christen? Vnd wo findet man sie? Antwort. Wenig ist der selbigen / Aber doch sind sie allenthalben / ob sie gleich dünne stehen vnd weit von einander wonen / beyde vnter frumen vnd bösen Fürsten / Denn es mus die Christenheit bleiben bis ans ende / wie der artickel laut / Ich gleybe eine heilige Christliche kirche / Also mus man sie aber finden / Die Pfarher vnd prediger sollen / einiglicher sein volck / auff aller vleissigst vermanen zur busse vnd zum gebet / Die busse sollen sie treiben / mit anzeigen vnser grossen vnzelichen sünde vnd vndanckbarkeit / da durch wir Gottes zorn vnd vngnade verdienen / das er vns dem teuffel vnd Turcken billich ynn die hende gibt. Vnd auff das solche predigt deste stercker eingehe / mus man die Exempel vnd sprüche der schrift einfuren / als von der Sintflut / von Sodom vnd Gomorren / von den kindern Israel / vnd wie greulich vnd manch mal Gott die welt / land vnd leute gestrafft hat / vnd wol austreichen wie es nicht wunder sey / so wir wol schwerer denn ihene / sundigen / ob wir auch erger denn sie gestrafft werden.

Es mus werlich dieser streit an der busse angefangen sein / vnd müssen vnser wesen bessern / odder wir werden vmbsonst streiten / wie der prophet Hieremias sagt am. xvij. Capitel / Ich rede gar bald widder ein volck vnd widder ein Königreich / das ichs aus wurzeln / zustore vnd zerstreute / Wo aber solches volck seine bosheit rewet / da wider ich rede / So sol mich auch rewen das vbel / das ich yhm gedacht zu thun / Widerumb

76
Widderumb/Bald rede ich von ein volck vnd König
reich/das ichs pflanze vnd erbawe/Wo es aber bö
ses thut für meinen augen/vnd höret meine stymme
nicht/so sol mich rewen das gute/das ich yhm geredte
zuthun/Darümb sage den von Juda/vnd den zu Jes
rusalem/vnd sprich/Sehet/ich bereite ein vnglück
vber euch/vnd gedencke etwas widder euch/Bekere
sich nu ein iglicher von seinem bösen wesen/vnd schig
ket ewer wesen vnd ewer thun recht etc. Diesen spruch
mögen wir vns warlich lassen gesagt sein/Denn Got
denckt widder vns etwas böses/vmb vnser bösheit wil
len/vnd bereitet den Türcken gewislich widder vns/
wie der.7.Psalm auch sagt/Wil man sich nicht beke
ren/so hat er sein schwert gewetzt/vnd seinen bogent
gespannen/vnd zieleet/vnd hat tödlich geschos drauff
gelegt etc.

Hie bey mus man denn füren auch die sprüche
vnd Exempel der schrift/da sich Gott lest verne
men/wie wol yhm gefelt rechte rew odder besserung/
so die ym glauben vnd trawen auff sein wort/ges
chicht/als ym Alten Testament/dere zu Ninive/der
Könige David/Abab/Manasse vnd der gleichen/Im
Newen.S.Peters/des Schechers/des zölners ym E
uangelio/vnd so fort an/Vnd wie wol ich weis/das
diese meine vnterricht/den hochgelerten vnd heilis
gen/so keiner busse bedürffen/lecherlich sein wird/als
die es für schlecht vnd gemein ding achten/das sie len
gest an den schuhen zu rissen haben/So hab ichs doch
nicht wollen lassen/vmb mein vnd meins gleichen ar
mer sunder willen/welche teglich hoch bedürffen bei
de der busse vnd vermanung zur busse/wir bleiben
dennoch leider allzu faul vnd lass/vnd sind noch nicht
C mit

mit ihenen neun und neunzig gerechten so fern vber
den berg komen/ als sie sich lassen düncken.

Darnach wenn sie also gelert vnd vermanet sind/
yhr sünde zubekennen/ vnd sich zu bessern/ sol man sie
als denn auch mit hohem vleis zum gebet vermanen/
vnd anzeigē/ wie Gott solch gebet gefalle/ wie ers gebo
ten/ vnd erhörung verheissen hat/ Vnd das ia niemand
sein gebet verachte/ odder dran zweiffel/ sondern mit
festem glauben gewis sey/ der erhörung/ wie das als
les ynn vielen büchlin von vns ist dargegeben/ Denn
wer da zweiffelt odder auff ebenteür bettet/ da were
besser/ er lies es anstehen/ weil solch gebet/ eitel Gottes
versuchen ist/ vnd die sache nur erger macht/ Darumb
ich auch die Proceßion/ als ein heidnische vnnütze wei
se/ wolt widder raten haben/ Denn es ist mehr eingez
prengt vnd schein/ denn ein gebet/ Eben so rede ich
auch von viel Messe halten/ vnd heiligen anruffen/
Das mocht aber etwas thun/ so man/ es were vnter
der Messe/ Vesper/ odder nach der predigt/ ynn der
Kirchen die Letaney/ sonderlich das iunge volck/ sin
gen odder lesen liesse/ Vnd ein iglicher nicht deste wei
niger dabey bey sich selbs/ ymer dar/ zum wenigsten
ym hertzen/ seuffzet zu Christo vmb gnade zum bessern
leben/ vnd vmb hülffe widder den Türcken/ Nicht sa
ge ich von viel langem gebet/ sondern von offtem vnd
kurzem seuffzen mit solch ein odder zwey wort/ Ach
hilff vns lieber Gott Vater/ Erbarm dich vnser lieber
Herr Ihesu Christe/ odder der gleichen.

Sihe/ solche predigt werden wol Christen treff
en vnd finden/ Vnd Christen werden da seyn/ die sie
annemen vnd darnach thun/ Ligt nichts dran/ ob du
sie

77
sie nicht kenneſt/ Die Tyrannen vnd Biſchoff/ mag
man auch vermanen/ das ſie von yhrem töben vnd
verfolgen widder das wort Gottes laſſen/ vnd vnſer
gebet nicht hindern/ Wo ſie aber nicht ablaſſen/ müſſen
wir gleich wol vnſer gebet nicht nach laſſen/ Vnd
dahyn ſetzen vnd wagen/ das ſie vnſers gebets genieſſen
vnd ſampt vns erhalten werden/ odder wir yhrs
töbens entgelten/ vnd ſampt yhn verderbet werden/
Denn ſie ſind wol ſo verkeret vnd verblendet/ Wenn
Gott glück widder den Türcken gebe/ das ſie es yhrer
heiligkeit vnd verdienſt ſolten zuſchreiben vnd widder
vns rhümen/ Widderumb/ Wo es vbel geriete/ ſolten
ſie es freylich niemand denn vns zu ſchreiben vnd
die ſchuld auff vns legen/ vnangeſen/ yhr ſchendlichs
offenberlich/ ſundlich/ böſes weſen/ das ſie nicht allei-
ne furen/ ſondern auch dazu verteydingen/ vnd nicht
ein einig ſtück recht leren können/ wie man beten ſol/
vnd wol erger denn die Türcken ſind. Wolan/ das muſ
man Gottes gericht laſſen heymkommen.

Inn ſolcher vermanung zum gebet/ muſ man
auch der ſchriſte ſprüche vnd Exempel einfuren/ dar
ynn man findet/ wie ſtarck vnd mechtig/ zu weilen ei-
nes menschen gebet iſt geweſen/ als Elias gebet/ Das
von. S. Jacobus rhümet. Item Eliſeus/ vnd ander
Propheten/ Der Könige/ David/ Salomon/ Aſſa/ Jo-
ſaphat/ Jeſias/ Heſechias. etc. Item wie Gott Abra-
ham verhies/ vmb fünf gerechter willen/ verſcho-
nung des lands/ Sodom vnd Gomorra etc. Denn eins
gerechten gebet vermag viel (ſpricht S. Jacobus
ynn ſeiner Epistel) wenn es anhelt. Vnd hie bey iſt
anzuzeigen/ das ſie ſich fürſehen vnd nicht GOTT
erzürnen/ wo ſie nicht beten wollen/ vnd nicht ynn das
Cij vrteyl

urteyl fallen / Ezechiel. xiiij. Da Gott also spricht/
Ihr habt euch nicht gegen mich gestellet / vnd habt
euch nicht zur mauren gesetzt fur das haus Israel/
auff das yhr stundet widder den streit ym tage des
HERRN. Vnd. xvij. Ich suchte einen man vnter
yhn / der eine mittelwand were / vnd stunde widder
mich fur das land / das ichs nicht verderbete / Aber
ich fand keinen / Darumb schüttete ich meinen zorn
vber sie / vnd verzere sie ym feuer meines grymmes /
Vnd bezalet sie / wie sie verdienet hatten / spricht der
HERR.

Hieraus sihet man wol / das Gott haben wil / vnd
zürnet hefftig / wo man sich nicht widder seinen zorn
legt / vnd yhm weret / Das heist / wie ich droben gesagt
habe / die ruten aus der hand Gottes nemen / Hie solt
man fasten / wer da fasten wolt / Hie solt man knyen /
sich bucken / vnd auff die erden fallen / da es ernst ist /
Denn was bisher ym Stifften vnd Klöstern buckens
vnd knyens gewest ist / hat keinen ernst gehabt / vnd ist
ein recht affen spiel gewest / wie es auch noch ist. Ich
vermane nicht vmbsonst die Pfarhern vnd prediger /
das sie solchs ym volck wol treiben vnd vben / Denn
ich sehe wol / das warlich an den predigern ganz vnd
gar gelegen ist / so sich das volck bessern odder beten
sol / Mit dem predigen / so man den Luther schilt vnd
lestert / vnd daneben / busse sampt dem gebet lest anste-
hen / wird wenig ausgericht sein / Wo aber Gottes
wort klinget / gehets nicht on frucht abe / Aber sie müß-
sen predigen / als die den heiligen predigen / da man
busse

busse vnd glaube ganz ausgelernet hat/vnd etwas
höhers schwezen. 78

Zu solchem gebet widder den Turcken/sol nu be-
wegen vns die grosse not/Denn der Türcke (wie ges-
sagt) ist ein diener des Teuffels/der nicht allein land
vnd leute verderbet mit dem schwerd/Welchs wir her-
nach hören werden/sondern auch den Christlichen
glauben vnd vnsern lieben Herrn Ihesu Christ ver-
wüestet/Denn wie wol ettlich sein regiment darynn los-
ben/das er yderman lest glauben/was man wil/allein
das er weltlich herr sein wil/So ist doch solch lob nicht **AB**
war/Denn er lest warlich die Christen öffentlich ni-
cht zu samen komen/Vnd mus auch niemand öffent-
lich Christum bekennen/noch widder den Mahometh
predigen odder leren. Was ist aber das für eine frey-
heit des glaubens/da man Christum nicht predigen/
noch bekennen mus? so doch vnser heyl ynn dem sel-
bigen bekentnis stehet/wie Paulus sagt Ro.10. Mit
dem munde bekennen macht selig/Vnd Christus gar
hart befolhen hat/sein Euangelion zu bekennen vnd
leren.

Weil denn nu der glaube mus schweigen/vnd
heymlich sein/vnter solchem wüsten wilden volck/
vnd ynn solchem scharffen grossen Regiment/wie kan
er zu letzt bestehen odder bleiben So es doch mühe vnd
erbeit hat/wenn man gleich auffs aller treulichst vnd
vleißigest predigt/Darumb gehets auch also vnd mus
also gehen/Was aus den Christen ynn die Türckey ge-
fangen oder sonst hinein komet/fellet alles dahyn/vnd
wird aller ding Türckisch/das gar selten einer bleibt/
C iij Denn

Dem sie mangeln des lebendigen brodts der seelen/
vnd sehen das frey fleischlich wesen der Türcken/vnd
müssen sich wol also zu yhn gesellen / Wie kan man
aber mechtiger Christum verstören/denn mit diesen?
zweyen stücken/nemlich mit gewalt vnd list/Mit ges
walt der predigt vnd dem wort weren/Mit list böse
ferlich Exempel teglich fur augen stellen vnd zu sich
reizen/Auff das wir nu vnsern Herrn Christum/sein
wort vnd glauben nicht verlieren/müssen wir widder
den Türcken nicht anders bitten denn als widder an
dere feinde vnser seligkeit/vnd alles guten/gleich als
widder den Teuffel selbs.

Vnd hie solt man dem volck nu anzeigen/alle
das wüst leben vnd wesen/das der Türck füret/auff
das sie die not zum gebet/deste bas fälen zwar mich
hat oft verdrossen vnd verdreust noch/das widder
vnser grossen herrn/noch hoch gelerten den vleis ges
than haben/das man doch eigentlich vnd gewis hett
erfaren mügen/der Türcken wesen ynn beyderley stens
den/geistlich vnd weltlich/vnd ist vns doch so gar na
he komen/Denn man sagt/das sie auch Stifft vnd
Klöster haben/Es haben ettlich gar vngeschwungen
lügen von den Türcken ertichtet/vns Deüdschen wid
der sie zu reitzen/Aber es durfft der lügen nichts/Es
ist der warheit allzu viel da/Ich wil/meinen lieben
Christen/so viel ich der gewissen warheit weis/ett
lich stück erzelen/damit sie deste bas bewegt/vnd ges
reigt werden/vleissig vnd mit ernst zu beten/widder
den feind Christi yhres herrn.

Ich habe des Mahometes Alkoran ettlich stück/welchs
auff deüdsch mecht/predigt oder lere buch heissen/wie
des

29
des Papsts Decretal heist/ Hab ich zeit/ so mus ichs
ia verdeutschen/ auff das yderman sehe/ welch ein
faulschendlich buch es ist. Erstlich/ so lobt er wol Chri
stum vnd Mariam fast seer/ als die alleine on sunde
seyen/ Aber doch helt er nichts mehr von yhm/ denn als
von ein heiligen Propheten/ wie Jeremias/ odder Jo
nas ist/ Verleugnet aber/ das er Gottes son vnd rech
ter Gott ist/ Dazu helt er auch nicht/ das Christus sey
der welt heyland/ fur vnser sunde gestorben/ sondern
habe zu seiner zeit gepredigt/ vnd sein ampt ausges
richt fur seinem ende/ gleich wie ein ander Prophet/
Aber sich selber lobt vnd hebt er hoch/ vnd rhümet/
wie er mit Gott vnd den Engeln geredt habe/ vnd
yhm befolhen sey/ die welt/ nach dem Christus Ampt
nu aus ist/ als ein Propheten/ zu seinem glauben zu
bringen/ vnd wo sie nicht wollen/ mit dem schwerd zu
bezwingen odder straffen/ Vnd ist das schwerd rhüs
men viel drynnen.

Daher halten die Türcken viel höher vnd grösser/
von yhrem Mahomet/ denn von Christo/ Denn Chris
tus Ampt habe ein ende/ Vnd Mahomeths Ampt sey
igt ym schwang. Daraus kan nu ein iglicher wol mer
cken/ das der Mahometh ein verstorer ist vnser
Herrn Christi vnd seines reichs/ Denn wer die stücke
an Christo verleugket/ das er Gottes son ist/ vnd fur
vns gestorben sey/ vnd noch igt lebe/ vnd regire zur
rechten Gottes/ Was hat der mehr an Christo? Da
ist Vater/ Son/ heiliger geist/ Tauffe/ Sacrament/
Euangelion/ glaube vnd alle Christliche lere vnd wer
sen dahin/ Vnd ist an stat Christi nichts mehr/ denn
Mahometh mit seiner lere/ von eigen wercken/ vnd
sonderlich vom schwerd/ das ist/ das heubtstücke des
C iij Türckischen

Türckiffchen glaubens/darynn auff einem hauffen alle
grewel/alle yrthum/alle Teuffel auff einem hauffen
ligen.

Noch fellet die welt zu / als schneyet es mit schiffen
lern des Türckiffchen glaubens/Denn es gefelt der ver
nunfft aus der massen wol/ das Christus nicht Gott
sey/wie die Juden auch glauben / Vnd sonderlich das
werck/das man herrschen vnd das schwerd furen/vnd
ynn der welt oben schweben sol/ Da scheubet denn der
Teuffel zu. Also ist ein glaube zu samen geflickt aus
der Juden/Christen vnd Heiden glauben / Denn von
den Christen hat er / das er Christum vnd Mariam
hoch lobt/auch die Apostel vnd ander heiligen mehr/
Von den Juden haben sie/das sie nicht wein trincken/
etlich zeit des iars fasten/sich baden/vnd wie die Ma
sarei/vnd auff der erden essen/Vnd faren so daher auff
solchen heiligen wercken/wie vnser Münche ein teils/
vnd hoffen das ewige leben am Jüngsten tage. Denn
sie glauben dennoch die aufferstehung der todten/das
heilige volck/welchs doch wenig Papisten glauben.

Welchem frumen Christlichem hertzen wolt nu
nicht grawen fur solchem feinde Christi? weil wir ses
hen/das der Türcke keinen artickel vnser glaubens
stehen lest/ on den einigen von der todten aufferste
hung/Da ist Christus kein Erlöser/ Heiland / König/
kein vergebung der sunden / kein gnad noch heiliger
geist. Vnd was sol ich viel sagen? (In dem artickel
ist alles verstöret/das Christus vnter vnd geringer
sol sein denn Mahometh) Wer wolt nicht lieber tod
sein/denn vnter solchem regiment leben/da er seines
Christus schweigen/vnd solch lesterung vnd grewel
widder

80
widder yhn sehen vnd hören mus/ Vnd reist doch so
gewaltig ein/ wo er ein land gewinnet/ das man sich
auch williglich drein gibt/ Darumb bete wer da beten
kan/ das solcher gewel nicht vnser herr werde/ vnd
wir nicht mit solcher schrecklichen rute des Göttlich
en zorns gestrafft werden.

Zum andern/ leret des Turcken Alkoran odder
glaube nicht allein/ den Christlichen glauben verstös
ren/ sondern auch das ganz weltlich Regiment/ Denn
sein Mahomet (wie gesagt ist) besilhet mit dem
schwert zu walten/ vnd ist das meiste vnd furnemest
werck ynn seinem Alkoran/ das schwert/ Vnd ist also
ynn der warheit der Turck nichts denn ein rechter
mörder odder strassen reuber/ wie denn auch die that
fur augen beweiset. Andere Königreiche nennet. S.
Augustinus auch grosse reuberey/ Da zu der .76. Psal.
nennet sie raubeberge/ Darumb/ das gar selten ein key
serthum ist auff komen/ on raub/ gewalt vnd vnrecht/
odder wird yhe zum wenigsten/ durch böse leute oft
mit eitel vnrecht eingenomen vnd besessen/ das auch
die schrift Gen. 10. den ersten Fürsten auff erden Nim
rod/ einen mechtigen ieger nennet.

Aber nie ist keins der massen mit morden vnd rauben
auff komen vnd so mechtig worden/ als des Turcken/
vnd noch so teglich mordet vnd raubet/ Denn es wird
yhn ynn yhrem gesetz gebotten/ als / ein gut Göttlich
werck/ das sie rauben/ morden vnd ymer weiter vmb
sich fressen vnd verderben sollen / wie sie denn auch
thun / vnd meinen/ sie thun Got einen dienst dran/
Darumb ist es nicht ein götlich ordenliche oberkeit / wie
andere/ den fride zu handhaben / die frumen zu schüt
D zen/

gen/vnd die bösen zu straffen/Sondern wie gesagt/
ein lauter Gotts zorn/rute vnd straffe vber die vnglen-
bige welt/Vnd dasselbige werck zu morden vnd raus-
ben/gefelt on das dem fleisch wol/das oben schwebe/
ydermans leib vnd gut vnter sich werffe/Wie gar viel
mehr mus es gefallen/wenn ein gebot dazu kompt/als
wolle es Gott so haben vnd gefalle yhm wol/Daher
sind auch die bey den Turcken für die besten gehal-
ten/so da vleys thun/das Turckisch reich zu mehren
vnd ymer weiter vmb sich rauben vnd morden.

Vnd solch stück mus auch folgen aus dem ersten
stück/Denn Christus spricht Johan.8. Das der teuffel
sey ein lügener vnd mörder/Mit der lügen tödtet er
die seelen/Mit dem mord den leib/Wo er nu gewinnet
mit der lügen/da feyret vnd seimet er nicht/Er folg-
get mit dem mord hinnach. Also da den Mahometh
der lügen geist besessen/vnd der Teuffel durch seinen
Alkoran die seelen ermordet/den Christenglauben ver-
störet hatte/musste er wol fort vnd auch das schwerd
nemen vnd die leibe zu morden angreifen/Vnd also
N ist der Turckische glaube nicht mit predigen vnd
wunderwerck/sondern mit dem schwerd vnd morden
so weit komen/Vnd ist yhm warlich/durch Gottes
zorn/gelungen/Auff das/weil alle welt zum schwerd/
rauben vnd mord lust hat/ein maleiner keme/der yhr
mordens vnd raubens gung gebe.

Ja gemeiniglich alle Rottengeister/wenn sie der
lügengeist besessen/vnd vom rechten glauben verfas-
ret hat/haben sie es nicht lassen können/sie sind nach
der lügen auch zum mord komen/vnd haben sich des
schwerds

81
Schwerds vnterwunden/als zum warzeichen/das sto-
Kinder weren des Vaters aller lügen vnd mordes/Al-
so lesen wir/wie die Arrianer zu mörder worden/das
auch der grosssten Bisschoff einer zu Alexandria/Lu-
cius genant/die recht gleubigen aus der stad ver-
treib/vnd trat yns schiff vnd hielt personlich ein blos
schwert ynn der hand/bis die rechtgleubigen alle ein-
getreten waren/vnd weg mussten/Vnd viel ander
mörde begiengen sie die zarten heiligen Bisschoffe
schon bereit zu der zeit/welchs nu bey zwelff hundert
iaren ist.

Item/was fur mörder geweest sind zu S. Augusti-
nus zeiten/die Donatisten/zeigt der selbige heilige
Vater vberflüssig ynn seinen schriften/welchs auch
bey eilff hundert iaren ist/So gar zeitlich huben die
geistlichen an/Das macht/sie waren wol mit namen
vnd laruen Bisschoffe vnter den Christen/Aber weil
sie von der warheit gefallen/dem lügengeist vnter-
than waren/musten sie vollend fort ynn seinem dienst
vnd wölff vnd mörder werden/Vnd was suchte Hun-
ger izt zu vnsern zeiten/denn das er ein newer Tur-
ckischer Keyser wolt werden? Er war vom lügen
geist besessen/darumb/war da kein halten mehr/Er
musste an das ander werck des Teuffels auch/das
schwert nemen/morden vnd rauben/wie der mord-
geist yhn treib/Vnd richt solch ein auffrur vnd iamer
an.

Vnd was solich vom allerheiligsten Vater Bapst sa-
gen? Ists nicht also/Sint das er mit seinen Bisschoffen
welt herrn wordē/vnd vom Euāgelio durch den lügen
D i j geist auff

auff yhr eigen menschlich lere gefallen sind / das sie
eitel mord getrieben haben / bis auff diese stunde?
Lies die Historien von der selbigen zeit an / So findestu
wie der Ppste vnd Bisschofe furnemest handel
gewest ist / Keiser / Könige / Fursten / land vnd leute /
ynn ein ander zu hezen / dazu selbst auch kriegen vnd
helffen morden vnd blut vergiessen. Warumb? Dar
umb / das der lügendeist nicht anders thut / denn nach
dem er seine iünger zu lügen lerer vnd verfurter gemach
t hat / hat er nicht ruge / Er macht sie auch zu mörd
ern / reubern vnd bluthunden / Denn wer hat yhn bes
folhen das schwerd zu furen / kriegen / zu mord vnd
krieg hezen vnd reizen / welche doch des predigens
vnd betens warten solten?

Man schilt mich vnd die meinen auffrurisch /
Aber wenn hab ich yhe nach dem schwerd getracht
odder dazu gereizt / vnd nicht viel mehr / fride vnd ge
horsam geleret vnd gehalten? ausgenommen das ich
weltliche ordenliche oberkeit / yhrs ampts / friden vnd
gerechtigkeit zu handhaben / vnterricht vnd verman
net habe. An den früchten solt man ia den baum
kennen. Ich vnd die meinen halten vnd leren friede /
Der Papst mit den seinen / kriegt / mordet / raubet nis
cht allein seine widderwertigen / sondern brennet / ver
dampt vnd verfolget auch die vnschuldigen / frumen /
rechtgleubigen / als ein rechter Endechrist / Denn er
thut solchs sitzend ym tempel Gottes / als ein heubt
der kirchen / welchs der Türck nicht thut. Aber wie der
Papst der Endechrist / so ist der Türck der leibhafftis
ge Teuffel / Widder alle beyde gehet vnser vnd der
Christenheit gebet / Sie sollen auch hinntern zur hel
le / vnd solt es gleich der iüngst tag thun / welcher Cich
-hoffe

Summa/wie gesagt ist/ Wo der lügengeist regirt/ da ist der mordgeist auch bey/ Er kome zum werck odder werde verhindert/ Wird er am werck verhindert/ so lacht/ lobt/ vnd frewet er sich doch / wenn der mord geschicht/ vnd bewilligt zum wenigsten drein/ Denn er helt/ es sey recht. Aber frume Christen frewen sich keins mordes / auch yhrer feinde vnfalls nicht. Weil denn nu des Mahomeths Alkoran/ so ein grosser manchfeltiger lügen geist ist / das er schier nichts lest bleiben der Christlichen warheit / wie solt es anders folgen vnd ergehen/ denn das er auch ein grosser mechtiger mörder würde/ vnd alles beides vnter dem schein der warheit vnd gerechtigkeit? Wie nu die lügen verstöret den geistlichen stand des glaubens vnd der warheit/ Also verstöret der mord/ alle weltliche ordnung so von Gott eingesetzt ist. Denn es ist nicht möglich/ wo morden vnd rauben ynn vbung ist / das da ein feine/ löbliche/ weltliche ordnung sey/ Denn fur krieg vnd mord/ können sie des friedes nicht achten noch gewarten/ wie man bey den kriegern wol sibet/ darumb achten auch die Türcken des bawens vnd pflanzens nicht gros.

Das dritte stücke ist/ das des Mahomeths Alkoran/ den ehestand nichts acht / sondern yderman zu gibt/ weiber zu nemen/ wie viel er wil/ Daher der brauch ist bey den Türcken / das ein man zehen/ zwentzig/ weiber hat/ Vnd widderumb verlest vnd verkaufft/ welche er wil/ vnd wenn er wil/ das die weiber aus der massen vnwerd vnd veracht ynn der Türckey sind/ werden gekaufft vnd verkaufft/ wie das viehe/ Ob nu

D iij velleicht

villeicht etliche wenige / solchs freien gesezts nicht brau-
chen / dennoch gilt vnd gehet solch geseze frey / wer es
thun wil. Solch wesen ist aber kein ehe / vnd kan kein
ehe sein / weil keiner ein weib der meynung nimpt od-
der hat / ewiglich bey yhr zu bleiben als ein leib / wie
Gotts wort spricht Gen. 3. Der man wird an seinem
weibe hangen vnd werden zwey ein leib sein / Das der
Türcken ehe fast gleich sihet / dem züchtigen leben / so
Kriegsknecht furen / mit yhren freyen dirnen / Denn
Türcken sind krieger / kriegisch müssen sie sich halten /
Mars vnd Venus / sagen die Poeten / wollen bey ein-
ander sein

Diese drey stücke hab ich izt wollen erzelen / wels-
cher ich gewis bin aus dem Alkoran der Türcken / Denn
was ich sonst auch gehöret habe / wil ich nicht erfur-
bringen / weil ichs nicht kan gewis sein / Las nu vnter
den Türcken sein etlich Christen / Las sein yhr eigen
münche / Las sein etliche erbare leyen. Was kan aber
ym regiment vnd ganzen Türckischen wandel vnd
wesen guts sein / weil nach yhrem Alkoran diese drey
stück bey yhn frey regiern / Nemlich / Lugen / Mord /
Vnehe / Vnd yderman daneben Christliche warheit
schweigen mus / das sie solch drey stück nicht straffen
noch bessern thar / sondern zusehen / vnd als ich sorge /
zum wenigsten mit schweigen drein bewilligen mus /
Wie kan ein gewlicher / ferlicher / schrecklicher gefeng-
nis sein / denn vnter solchem Regiment leben? Lugen ver-
storet (wie gesagt) geistlichen stand / Mord verstoret
weltlichen stand / Vnehe verstoret ehestand / Nym nu
aus der welt weg / veram Religionē / veram Politiam /
verā oeconomiam / Das ist / recht geistlich wesen / rechte
weltlich Oberkeit / recht haus zucht / Was bleibt vber
ynn der welt / denn eitel fleisch / welt / vnd Teuffel / da-
eius

ein leben ist / wie guter gesellen leben / so mit huren
haus halten?

Das man aber sagt / wie die Türcken vntereinander
der trew vnd freundlich sind / vnd die warheit zu sas
gen sich vleyssigen / das wil ich gerne gleuben / Vnd
halt / das sie noch wol mehr guter feiner tugent an sich
haben / Es ist kein mensch so arg / Er hat etwas gutts
an sich / Es hat zu weilen ein frey weib / solche gute art
an sich / als sonst kaum zehen ehrliche matronen has
ben / So wil der Teuffel auch einen deckel haben vnd
ein schöner Engel sein / als ein Engel des liechts / dar
umb wendet er auch fur ettliche werck / als werck des
liechts / Mörder vnd reuber sind viel getrewer vnd
freundlicher vntereinander / denn die nachbarn / ia
auch wol mehr / denn viel Christen / Denn wo der Teu
ffel die drey stück erhelt / Lugen / Mord / Vnehe / als die
rechten wacken vnd werckstück zum grund der hellen /
mag er wol leyden / ia hilfft dazu / das fleischliche lieb
vnd trew / als köstlich edelsteine / welche doch nichts
denn stro vnd hew sind / drauff gebawet werde / Er
weis doch wol / das fur dem feuer zu lezt nicht bleibt /
Gleich wie widderumb / wo da rechte glaub / recht
Oberkeit / recht Ehe ist / sperret er sich / das wenig lies
be vnd trew da scheine / vnd auch wenig erzeugt wer
de / auff das er den grund auch zu schanden vnd ver
acht mache.

Vnd das noch wol mehr ist / Wenn die Türcken an
die schlacht gehen / so ist yhr losung vnd geschrey kein
ander wort denn / Alla / Alla / vnd schreien / das hymel
vnd erden erschallet / Alla heist aber Gott auff yhr
Arabissch sprach / aus dem verbrochen Ebreisschen
Elloha / Denn sie haben ynn yhrem Alkoran ges
leret / das sie ymer rhümen sollen diese wort /
D iij Es

Es ist kein Gott denn Gott/welchs alles die rechten
Teuffels griff sind/Denn was ist's gesagt/Es ist kein
Gott denn Gott? vnd sondert doch keinen Gott aus
fur andere/Der Teuffel ist auch ein Gott/den selbis
gen ehren sie auch mit solcher stym/das ist kein zweis
fel/Gleich wie des Papssts kriegsvolck rufft Eccles
sia/Ecclesia/Ja freylich des Teuffels Ecclesia/Dar
umb gleub ich auch/das der Turcken Alla mehr ym krie
ge thut denn sie selbs/Er gibt yhn mut vnd list/furet
yhr schwerd vnd faust/Kos vnd man. Wie dünckt
dich nu vmb das heilige volck/das Gott nennen kan
ym streit / so es doch Christum vnd alle Gottes wort
vnd werck verstöret/wie gehört ist?

Zu der heiligkeit gehört auch/das er keine bilder
leidet/Vnd ist noch heiliger denn vnser bilden stur
mer/Denn vnser bilden stürmer leiden/vnd haben ger
ne bilder auff den gulden/grosschen/ringen vnd kleis
noten/Aber der Turck gar keine/Münzset eitel buch
staben auff seine münze. Er ist auch gar Münzerissch/
Denn er rottet alle Oberkeit aus/vnd leidet keine ord
nung ynn weltlichem stande / als Fürsten / Grauen
Herrn/Adel vnd ander lehenleute/sondern ist alleine
herr vber alles ynn seinem lande/gibt nur solt von
sich/vnd keine guter odder Oberkeit/Er ist auch Pa
pistissch/Denn er gleubt durch werck heilig vnd selig
zu sein/Vnd helts fur keine sunde/Christum verstös
ren/Oberkeit verwüsten/die ehe vernichten/Welche
drey stuck/der Papsst auch treibt/doch mit anderley
weise/nemlich mit heucheley/wie der Turcke mit ges
walt vnd schwerd/Summa/wie gesagt ist/Es ist die
grundsuppe da aller grewel vnd yrthum.

Solchs

89

Solchs wil ich dem ersten man/nemlich dem Christen hauffen haben angezeigt/anff das er wisse vnd sehe/was fur grosse not hie ist zu beten/vnd das man zuuor müsse des Türcken Alla/das ist/seinen Gott/den Teuffel/schlahen/vnd also seine macht vnd Gottheit von yhm stossen/sonst hab ich sorge/wird das schwerd wenig ausrichten/Denn dieser man sol nicht leiblich mit dem Turcken streiten/wie der Bapst vnd die seinen leren/noch yhm mit der faust widder streben/sondern den Turcken erkennen fur Gottes ruten vnd zorn/welche den Christen entwedder zu leyden ist/so Gott yhre sunde heym sucht/odder allein mit busse/weinen vnd gebet widder yhn fechten vnd versagen müssen/Wer diesen rat verachtet/der verachte ymer hyn/Ich wil zu sehen/was er dem Turcken wolle abbrechen.

Der ander man/so widder den Turcken zu streiten gebürt/ist Keyser Karol odder wer der Keyser ist/Denn der Turcke greiffst seine vnterthanen vnd sein Keyserthum an/welcher schuldig ist die seinen zuuerteydingen/als eine ordenliche Oberkeit von Gott gesetzt. Ich bedinge hie aber mal/das ich niemand reizen noch heissen wil widder den Turcken zu streiten/es sey denn / das die erste weise/zuuor gehalten werde/dauon droben gesagt ist/das man zuuor busse vnd Gott versune etc. Wil daruber yemand kriegen/der wage sein ebentheur/Mir zymet nicht weiter zu reden/denn einem iglichen sein ampt anzuzeigen vnd sein gewissen zu vnterrichten/Ich sehe wol/das sich Könige vnd Fürsten/so leppisch vnd lessig stellen wider den Turcken/das ich gleich eine grosse sorge habe/sie verachten Gott vnd den Turcken zu hoch/odder
L wissen

wissen velleicht nicht/wie ein mechtiger Herr der
Turck ist/das yhm kein König odder land/Es sey/
welch es wolle/allein gnug sey widder zu streben/Es
wölle denn Got wunderzeichen thun/ Tu kan ich mich
keines wunderzeichens noch sonderlicher Gottes gna
den vber Deudsch land versehen/wo man sich nicht
bessert vnd das wort Gottes anders ehret/denn biss
her geschehen.

Wolan dauon ist gnug gesagt/Wer yhm wil las
sen sagen/Wir wollen nu vom Keyser reden/Vnd
Erstlich/so man widder den Turcken kriegen wil/das
man dasselbige thu vnter des Keyfers gebot/panir
vnd namen/Denn da kan ein iglicher sein gewissen sich
ern/das er gewisslich ym gehorsam Göttlicher ord
nung gehet/weil wir wissen / das der Keyser vnser
rechter Oberherr vnd heubt ist/Vnd wer yhm ynn
solchem sal gehorsam ist/der ist auch Gott gehorsam/
Wer yhm aber vngheorsam ist/der ist Gott auch vns
gehorsam/Stirbet er aber ym gehorsam/so stirbt er
ynn gutem stande/vnd wo er sonst gebüffet hat vnd
an Christum gleubt/so wird er selig/Dis stücke acht
ich/wird ein yeder besser wollen wissen/denn ichs leren
kan/Vnd wolt Gott/sie wüstens so wol/als sie sich
lassen düncken/Doch wollen wir auch weiter dauon
reden.

Zum andern/Solch panier des Keyfers vnd ges
horsam sol recht vnd einfeltig sein/das der Keyser
nichts anders sūche/denn einfeltiglich das werck vnd
schuld seines Ampts/seine vnterthanen zu schützen/
Vnd die so vnter seinem panier sind/auch suchen eins
feltiglich das werck vnd schuld des gehorsams. Diese
einfeltigkeit

85
einfeltigkeit soltu also verstehen/das man nicht wid-
der den Turcken streite/aus den vrsachen/damit bis-
her die Keyser vnd Fürsten zu streiten gereizt sind/
als das sie grosse ehre/rhum vnd gut gewinnen/land
mehrnen / odder aus zorn vnd rachgyrigkeit / vnd
was der gleichen stück sind/Denn darynn wird eitel
eigen nutz gesucht vnd nicht die gerechtigkeit odder
gehorsam/Darumb auch bisher kein glück gewest ist
bey vns/ widder zu streiten noch zu ratschlahen vom
streit widder den Turcken.

Darumb sol man auch dis reizen vnd heizen lassen an-
stehen/da man den Keiser vnd Fürsten bisher gereizt
hat zum streit widder die Türcken/ als das heubt der
Christenheit/als den beschirmer der kirchen / vnd bes-
schützer des glaubens / das er solle des Türcken glau-
ben ausrotten/Vnd haben also das reizen vnd verma-
nung gegründet auff der Türcken bosheit vnd vntu-
gent.Nicht also/Denn der Keiser ist nicht das heubt der
Christenheit/noch beschirmer des Euangelion odder
des glaubens/Die kirche vnd der glaube/müssen einen
andern schutzherrn haben/denn der Keiser vnd Könis-
ge sind/ Sie sind gemeiniglich die ergesten feinde der
Christenheit vnd des glaubens/Wie der.ij.Psalm sagt
vnd die kirche allenthalben klagt. Vnd mit solchem
reizen vnd vermanen/ macht mans nur erger vnd er-
zürnet Gott deste mehr/die weil man damit ynn sein
ehre vnd werck greiffte / vnd wils den menschen zu eis-
gen/welchs eine abgötterey vnd lesterung ist.

Auch wenn der Keiser solt die vnglaubigen vnd
vnchristen vertilgen/müste er an dem Papst/Bischo-
ffen vnd geistlichen anfaben/Vielleicht auch vnser vnd
E ij sein

sein selbs nicht verschonen/ denn es greulich abgöttes
rey gung ist ynn seinem keiserthum/ das nicht not ist/
derhalb die Türcken zu bestreiten. Es sind vnter
vns Türcken/ Juden/ Heiden/ vnchristen alzu viel/ beis
de mit offentlicher falscher lere / vnd mit ergerlichem
schendlichem leben. Las den Turcken glauben vnd le
ben wie er wil/ gleich/ wie man das Papstum vnd an
der falsche Christen leben lest. Des Keisers schwerd
hat nichts zuschaffen / mit dem glauben / Es gehört
ynn leibliche/ weltliche sachen/ Auff das nicht / Gott
auff vns zornig werde/ so wir seine ordnung verkeren
vnd verwirren/ Er widderumb sich auch verkere vnd
verwirre vns ynn allem vnglück/ wie geschrieben ste
het/ Mit den verkereten verkerestu dich/ wie wir denn
auch bis her am glück/ so wir widder den Turcken ge
habt / wol spüren vnd greiffen mügen / da man das
herzeleid vnd iamer hat angericht/ mit der Cruciata/
mit ablas vnd Creutzgeben/ Vnd also die Christen zum
schwerd vnd streit geherzt widder die Turcken/ welche
doch mit dem wort vnd gebet solten streiten widder
den Teuffel vnd vnglauben.

Sondern so solt man thun/ Den Keiser vnd für
sten vermanen yhrs ampts vnd schuldiger pflicht/ das
sie gedechten mit vleis vnd ernst/ yhre vnterthan yns
fride vnd schutz hand zu haben/ widder den Turcken/
Gott gebe sie weren Christen für sich selbs odder ni
cht/ wie wol es fast gut were/ das sie Christen weren/
Aber weil das vngewis ist vnd bleibt / ob sie Christen
sind/ Gewis aber ist/ das sie Keiser vnd Fürsten / das
ist/ das sie yhre vnterthanen zu schützen/ von Gott be
felh haben vnd schuldig sind / sol man das vngewisse
faren lassen/ vnd des gewissen spielen/ mit vleissigem
predigen

86
predigen vnd vermanen sie treiben vnd yhr gewissen
auffss höchst beschweren / wie sie Gotte schuldig sind /
yhre vnterthan nicht so iemerlich lassen verderben /
Vnd wie sie grosse treffliche funde thun / das sie yhr
ampt hierynn nicht bedencfen / vnd den ihenigen / so
mit leib vnd gut vnter yhrem schutz leben sollen / vnd
mit eiden vnd hulden verbunden sind / nicht mit hülff
vnd rat erscheinen / nach allem vermügen.

Dem mich dunckt / so viel ich noch ynn vnsern
Reichstagen gespüret habe / das widder Keiser noch
Fürsten / selbs glauben / das sie Keiser oder fürsten sind /
Dem sie stellen sich ia eben also / als stünde es ynn
yhrem gutdüncken vnd wolgefallen / ob sie ihre vnter
than sollen retten vnd schützen fur gewalt des Tur
cken odder nicht / Vnd die Fürsten auch nichts sorgen
noch dencken / das sie fur Gott höchlich schuldig vnd
verpflichtet sind / mit leib vnd gut dem Keiser hierynn
rethlich vnd hülfflich zu sein / Ein iglicher lests dahin
gehen vnd fahren / als gienge es yhn nichts an / odder
hette widder gebot noch not / die yhn dazu zwünge /
sonder als stünde es ynn seiner freyen wilköre / zuthun
odder zu lassen / Gleich als izt auch der gemein man /
denckt nicht / das er Gott vnd der welt schuldig / so er
einen geschickten son hat / ynn die schule zuthun vnd
studirn zulassen. Sondern yderman meinet / Er hab
frey macht seinen son zu zihen nach seinem willen / Es
bleibe Gotts wort vnd ordnung / wo sie wolle / Ja es
thun die Ratherrn ynn Stedten vnd fast alle oberkeit NB
auch also / Lassen die schulen zurgehen / als weren sie
der selbigen frey vnd hettens ablas dazu / Niemand
denckt / das Gott ernstlich gebent vnd haben wil / die
geschickten kinder zu zihen zu seinem lob vnd werck /
L ij welchs

welchs on die schulen nicht geschehen mag / Sondern zur weltlichen narung ist yderman izt iach vnd eyle mit seinen kindern / als dürffte Gott vnd die Christenheit / keiner Pfarherrn / Prediger / Seelsorger / Vnd die weltliche Oberkeit / keiner Canzeler / keiner Rethen / keiner Schreiber mehr / Aber dauon ein ander mal / Die Schreibfedder mus Keyserin bleiben / odder Gott wird vns ein anders sehen lassen.

Eben so thun Keyser / Könige / vnd Fürsten auch / Sie achtens nicht / das Gotts gebot sie nöttiget / yhre vnterthanen zu schutzen / Es sol ynn yhrem freyen wilkore stehen / das sie es thun / wenn sie es der mal eins gelüstet / odder gute weil dazu haben. Lieber / last vns alle so thun / Niemand sehe auff das yhm befolhen ist vnd was yhm Gott zu thun gebeut vnd foddert / Sondern alle vnser thun vnd ampt / last vnser freyen willens sein / so wird vns Gott glück vnd gnade geben / das wir beide hie zeitlich vom Turcken / vnd dort vom Teuffel ewiglich geplagt werden / So sol denn etwa von Rom ein vnnützer wesscher (ein Legat wolt ich sagen) kommen / vnd des Reichs Stende vermanen vnd hezen widder den Turcken mit anzeigen / wie der feind des Christlichen glaubens / so grossen schaden der Christenheit gethan habe / Der Keyser / als Vogt der kirchen vnd beschirmer des glaubens / solle dazu thun zc. gerade als weren sie selbs gar grosse freunde des Christlichen glaubens / Ich spreche aber zu yhm / Sie haben dir dein mütter zum bier gefurt / du anmechtiger plauderer / Denn damit richtest du nichts an / denn als solt der Keyser ein mal ein gut Christlich vngeworren werck thun / das ynn seiner wilkore stehe / Vnd ist sein gewissen damit nicht gerurt / odder er seines notigen Ampts von Gott befolhen erynnert / sondern seinem guten willen heimgestellet. Also

87
Also solt aber ein Legat auffm Reichstage mit den
Reichstenden handeln/Gotts gebot furhalten vnd
eine vnuermeydliche not draus machen vnd sagen/Lie
ben herrn/Keyser vnd Fürsten/Wolt yhr Keyser vnd
Fürsten sein/so thut als Keyser vnd Fürsten/oder der
Turcke wirds euch leren durch Gots zorn vnd vngna
de/Deütschland odder Keyserthum ist euch von Gott
gegeben vnd befolhen/das yhrs schutzen/regiern/raten
vnd helfen solt/ vnd nicht allein solt/sondern auch mü
ßet/bey verlierung ewer seelen seligkeit vnd göttlicher
hulden vnd gnaden. Tu aber sihet man wol/das ewer
Keinem ernst ist/noch solchs gleubet/sondern yhr haltet
ewer ampt fur einen scherz vnd schimpff / gerade als
were es eine mumerey fur fastnacht/Denn da last yhr
ewere vnterthanen/so euch von Gott befolhen sind/
vom Turcken so iemerlich plagen/wegfuren/schenden/
plündern/würgen vnd verkeuffen. Meinet yhr nicht/
weil euch Got solch ampt befolhen hat/vnd dazu gege
ben gelt vnd volck/das yhrs wol thun vnd ausrichten
könnet/Er werde von ewern henden foddern alle ewer
vnterthanē/die yhr so schendlich verlassen/vnd yhr die
weil getantz/gebrasset/gebranget vnd gespiet habt?

Denn wo yhrs mit ernst gleubtet/das yhr von Got
gesetzt vnd geordent weret zu keyser vnd fürsten/yhr
wurdet des bancketen vnd hadderns vmb das hohe si
gen vnd andere vnnützer bracht/eine weile lassen/vnd
trewlich ratschlahen/wie yhr ewern ampt vnd Gots
gebot gnug thetet vnd ewer gewissen errettet/von al
le dem blut vnd iamer ewer vnterthanen/so der Turck
an yhn begehret/Denn wie kan Gott odder ein gottes
seliges hertz anders von euch dencken/ denn das yhr
freylich ewern vnterthanen feind seyd / odder selbs
L iij mit

mit dem Turcken einen heymlichen bund habet/oder
der yhe zum wenigsten euch selbs/widder fur Keyser
noch fur Fürsten/sondern fur eitel tocken vnd Pupa
pen haltet/da die Kinder mit spielen? Es were sonst
vnmüglich/das ewer gewissen euch solte ruge lassen/
wo yhr euch ernstlich fur Oberherrn von Gott ges
setz/hieltet/das yhr nicht ein mal anders/denn bisher
geschehen/von solchen sachen reden vnd ratschlahen
soltet/Darynn yhr sehet/das yhr selbs Turcken wer
det/on vnterlas/an ewern eigen vnterthanen.

Ja nemet die weil fur euch des Luthers sachen/
vnd handelt/des Teuffels namen/ob man fleisch ynn
den fasten essen/vnd Nonnen menner nemen mügen
vnd der gleichen/Da von euch nichts ist befolhen zu
handeln/noch Gott einig gebot euch dahin gegeben/
Vnd henger die weil ynn den rauch/dis ernst gestren
ge gebot Gottes/damit er euch zu Schutzherrn vber
das arme Deudsche land gesetzt hat/Vnd werdet die
weil an ewern eigen/frumen/getrewen/gehorsamen
vnterthanen/mörder/verrether vnd bluthunde/vnd
lasset/ia werfft sie dem Turcken die weil ynn den rach
en/zu lohn/das sie leib vnd gelt/gut vnd ehre bey euch
setzen vnd euch furstrecken/Ein guter Redener sihet
hie wol/was ich gerne reden wolt/wenn ich der rede
kunst gelert were/vnd was ein Legat auff dem Reichs
tage treiben vnd austreichen solt/wenn er trewlich
vnd redlich sein ampt wolt aus richten.

Darumb hab ich droben gesagt/Karolus/odder
der Keyser sol der man sein widder den Turcken zus
streiten/Vnd vnter seinem panier sol es gehen/O
solchs ist so leicht/das yderman lengst an den schus
hen zus

88
hen zu rissen hat/ Vnd der Luther hie mit nichts new
es leret/ sondern eitel/ faul alt ding/ Ja lieber/ der Key
ser musste sich selbs werlich mit andern augen anse
hen/ denn bisher geschehen/ Vnd du mustest sein pa
nier auch mit andern augen ansehen/ Ich rede wol
von dem selbigen Keyser vnd panier/ da du von red
dest/ Aber du redest von den augen nicht/ da ich von
rede/ Gottes gebot solt man ym panier ansehen/ das
da spricht/ Schütze die frumen/ Straffe die bösen/ Sa
ge mir/ Wie viel sind der/ so solchs yns Keyzers panier
lesen können/ odder mit ernst glauben? Meinstu nicht/
yhr gewissen wurde sie erschrecken/ wenn sie das pa
nier ansehen/ als die sich höchlich fur Gott schuldig er
kennen müsten/ des verseumeten schutzes vnd hilfffe an
yhren getrewen vnterthanen? Lieber/ Es ist nicht
schlecht seyden tuch/ ein panier/ Es stehen buchstaben
dran/ wer die lesen wird/ dem sol der kugel vnd das
bancketieren wol vergehen.

Das mans aber bisher fur schlecht seyden tuch
hab angesehen/ beweiset sich selbs ynn der that wol/
Denn der Keyser hette es lengest auffgeworffen/ so
hätten die Fürsten gefolget/ vnd were der Turck nis
cht so mechtig worden/ Aber da es die Fürsten mit
dem maul/ des Keyzers panier nenneten/ vnd doch
mit der faust vngheorsam waren/ vnd mit der that
fur ein blos seyden tuch hielten/ ist es gegangen/ wie es
itzt fur augen stehet/ Vnd Gott gebe/ das wir nu hins
furt nicht allzu mal zu langsam komen/ ich mit meis
nem vermanen/ vnd die Herrn mit yhrem panier/ vnd
geschehe vns/ wie den kindern Israel / welche zu erst
nicht wolten widder die Amoriter streiten/ da es Gott
gebot/ Zinden nach/ da sie wolten/ wurden sie geschla
gen/

gen/denn Gott wolte nicht bey yhn sein/Noch es sol
niemand verzweiffeln/Büssen vnd recht thun findet
allzeit gnade.

Darnach wenn Keyser vnd Fürsten das bedens
cken/das sie aus Gottes gebot solchen schutz yhren un
terthanen schuldig sind/sol man sie auch vermanen/
das sie nicht vermessen seyn vnd solchs für nemen/
aus trotz/ oder sich verlassen auff eigene macht odder
anschlege/als man viel toller Fürsten findet/die da sa
gen/Ich habts recht vnd fug/Darumb wil ichs thun/
faren einhin mit stolz vnd pochen auff yhre macht/
gewinnen aber auch zu letzt das krawen ym nacken/
Denn wo sie yhre macht nicht fületen/wurde sie das
recht wol wenig gnug bewegen/wie sichs beweiset
ynn andern sachen/da sie das recht nicht achten/Dar
umb istts nicht gnug/das du wissest/Gott hab dir dis
odder das zu thun befolhen/Du solts auch mit furcht
vnd demut thun/Denn Gott befilhet noch gebent nie
mand etwas/aus eigenem rat odder krafft zuthun/
Sondern er wil auch mit ym spiel sein/vnd gefurcht
tet sein/Ja er wils durch vns thun/vnd drum gebes
ten sein/auff das wir nicht vns vermessen vnd seiner
hülffe vergessen/wie der Psalter sagt/Der Herr hat
gefallen an denen die yhn furchten vnd auff seine güte
warten/Sonst solten wir vns wol lassen duncken/wir
kundtens thun/vnd durfften Gottes hülffe nicht/vnd
nemen vns des siegs vnd der ehren an/die yhm doch
alleine geburt.

Darumb sol ein Keyser odder Fürst den Vers ym
Psalter wollernen/Psalm.44. Ich verlas mich auff **N**
meinen bogen nicht/vnd mein schwert hilfft mir nis
cht/Son

89
cht/ Sondern du hilffest vns von vnsern feinden vnd
machst zu schänden die vns hassen/ Vnd was der selb
bige ganze Psalm mehr sagt/ Vnd Psalm. lx. Herr
Gott du zeuchst nicht aus auff vnser heer/ Schaffe
vns beystand ynn der not/ Denn menschen hülffe ist
kein nütze/ Mit Gott wollen wir thatten thun/ Er
wird vnser feinde vntertreten etc. Solche vnd der
gleichen spruche haben müssen war machen/ gar viel
Könige vnd grosse Fürsten von anfang bis auff dies
sen tag mit yhren eigenen Exempeln/ die doch für sich
hatten/ Gottes gebot/ fug vnd recht/ Derhalben las
yhm Keyser vnd Fürsten auch kein schertz sein. Zieher
lies das trefflich Exempel Judic. xx. das die Kinder
Israel zweymal von den Ben Jamitern geschlagen
wurden/ vngeacht/ das sie Gott hies streiten vnd das
aller beste recht hatten. Aber yhr trozen vnd vermese
sen stürzt sie/ wie der Text daselbst sagt/ Sidentes for
titudine et numero/ War ist/ Ros / Man/ Waffen
vnd alles/ so zum streit not ist/ sol man haben/ so es zu
bekomen ist/ auff das man Gott nicht versuche/ Aber
wenn mans hat/ sol man nicht drauff trozen/ auff das
man Gotts nicht vergesse odder verachte/ Denn es
stehet geschrieben/ Aller sieg kompt von hymel.

Wenn diese zwey stücke da sind/ Gots gebot vnd
vnser demut / so hats keine fahr noch not/ so fern es
den andern man den Keiser betrifft / so sind wir denn
aller welt starck gnug/ vnd mus glück vnd heil da sein.
Ist aber nicht glück da / so mangelt es gewislich an
der beiden einem/ das man entweder nicht als aus ge
horsam Gottlichs gebots/ odder aus vermessenheit
kriegt/ odder der erste kriegsman der Christen ist nis
cht dabey mit sein gebet. Vnd hie ist nicht not zumer

S ij manen

manen / Das man nicht ehre noch ausbeute suche ym
streit / Denn wer mit demut vnd ym gehorsam gotts
lichs befelhs streitet vnd allein seinem ampt nach / ein
feltiglich schutz vnd schirm seiner vnterthan meinet /
der wird der ehre vnd ausbeute wol vergessen. Ja sie
wird yhm vngesucht reichlicher vnd herrlicher komen
dem ers wündschen mag.

Hie wird yemand sagen / Wo wil man solch frum
Kriegsleute finden / die solchs halten werden? Ant
wort. Es wird das Euangelion aller welt gepredigt /
vnd glauben doch gar wenig / Noch glaubt vnd bleibt
gleichwol die Christenheit. Also schreibe ich auch diese
vnterricht nicht / der hoffnung / das sie bey allen solt
angenomen werden / Ja das mehrer teil sol mein das
zu lachen vnd spotten. Es ist mir gnug / wo ich etliche
Fürsten vnd vnterthan kundte mit diesem buch recht
vnterrichten / ob sie gleich der wenigste hauffe sind /
da ligt mir nicht macht an / Es solte dennoch sieg vnd
glück gnug da sein / Vnd wolt Gott / das ich nur den
Keiser odder den / so ym seinem namen vnd befelch krie
gen solt / hette hie mit zugericht / Ich wolt grosser
hoffnung sein / Es ist wol mehr mal geschehen / Ja es
geschicht gemeiniglich / das Gott durch einen einzelnen
man ein gantz land vnd königreich glück vnd heil
gibt / gleich wie auch widderumb durch einen buben zu
hose ein gantz land ym allen vnrat vnd iamer bringt /
wie Salomon spricht ym Ecclesiast. Ein einzeler bus
be thut grossen schaden.

Also lesen wir von Naeman dem haubtman des
Königes zu Syrien / das Gott dem gantz lande
durch den selbigen man / glück vnd heil gab. Also. 4.
Reg.

90

Reg. 5. gab er durch den heiligen Joseph / gros glück
dem konigreich ynn Egypten. Vnd. 4. Reg. 3. Spricht
Elisens zu Joram dem Könige Israel / Ich wolt dich
nicht ansehen / wo Jossaphat der konig Juda nicht
da were. Vnd musste also zum selbigen mal / den gott
losen königen Israel vnd Edom geholffen werden /
vmb des einigen frumen mans willen / die sonst ynn
aller not vertorben weren. Vnd ym Buch der Rich
ter kan man wol sehen / was Gott guts thet / durch
Rhud / Gedeon / Dibora / Samson vnd der gleichen /
einzele personen / ob wol das volck solchs nicht werd
war / Widderumb / was grossen schadens thet der
Doeg / so zu des königes Saul hofe war. 1. Regum. 22.
Was richtet Absalom an widder seinen vater David /
mit hulffe vnd rat Abitophels. 2. Reg. 15.

Dis rede ich darnumb / das vns nicht solle schre
cken / noch ichtes bewegen / ob der grösser hauffe vns
glaubig odder vnchristlicher meynung vnter des Keis
sers panier stritte / Man mus auch widderumb den
cken / das ein einzeler Abraham gar viel vermag Gen.
14. vnd. 17. So ist auch das gewis / das vnter den Tür
cken / als des Teuffels heer / keiner nicht ist / der Christo
en sey oder demütiges vnd richtiges hertz habe. 1. Reg.
14. sprach der frume Jonathan / Es ist Gotte nicht
schwere / den sieg geben / durch viele odder durch we
nige / Vnd thet selb ander eine grosse schlacht an den
Philistern / die Saul mit dem gantzen heer nicht ver
mocht. Darumb ligt nicht dran / ob der hauffe nicht
gut ist / Wenn nur das heubt vnd der furnemesten et
liche rechtschaffen sind / Wie wol es gut were / das sie
allesampt rechtschaffen weren / Aber das ist nicht wol
möglich.

§ iij Weiter

Weiter höre ich sagen/das man findet ynn den
schen landen/so des Türcken zukunfft vnd seines regis
mentes begeren / als die lieber vnter dem Türcken/
Denn vnter dem Keiser odder fürsten sein wollen. Mit
solchen leuten solt böse streiten sein widder den Türck
en. Widder diese/weis ich nicht bessern rat/denn das
man die Pfarher vnd prediger vermane/das sie mit
vleis anhalten auff der Canzel/ Vnd solche leute trew
lich vnterrichten/yhr fahr vnd vntugent austreich
en/wie gar trefflicher vnzlicher sunden sie sich teil
hafftig machen/vnd sich fur Gott beladen/wo sie ynt
der meynung erfunden werden / Denn es ist iamers
gnug/Wer den Türcken zum oberherrn leiden mus/
vnd sein regiment tragen/Aber williglich sich drunter
geben/odder desselbigen begeren/so ers nicht bedarff/
noch gezwungen wird/dem sol man anzeigen/was er
fur sünde thut/vnd wie gewlich er anleufft.

Zum ersten/das solche leute/trewlos vnd meyn¹³
nedig werden an yhrer Oberkeit/den sie geschworen
vnd gehuldet haben/welchs fur Got eine grosse sun
de ist/die nicht vngestraft bleibt/Denn solchs meyn
neides halben/muste auch der gute König Zedekias
iemerlich vmbkommen/das er den eyd/dem heidnis
schen Keyser zu Babylon gethan/nicht hielt/Es mei
nen velleicht solche leute odder lassen sich düncken/
Es sey ynn yhrer macht vnd wilkore/von einem herrn
zum andern sich begeben/faren also daher/als weren
sie frey hierynn zu thun vnd zu lassen/was sie wollen/
vergessen vnd bedencfen nicht Gottes gebot vnd yhr
ren eyd/damit sie bestrickt vnd schuldig sind gehors
sam zu bleiben/bis sie mit gewalt dauon gedrungen od
der druber getödtet werden/gleich wie die Baur
ynn

ym nehesten auffruer auch fürnamen/ vnd wurden drus
ber geschlagen/ Denn gleich/ wie einer sich selbs nicht
erwürgen sol/ sondern leiden/ ob er mit gewalt durch
ander erwürget wird/ Also sol niemand sich selbs/ aus
dem gehorsam vnd eyde wenden/ Er werde denn dur
ch andere/ entweder mit gewalt odder mit gunst vnd
vrlaub/ eraus bracht.

Solchs müssen die Prediger bey solchen leuten mit
vleys vnd wol treiben/ wie sie denn solchs zu thun yhr
predigamt zwinget/ Daryn sie schuldig sind/ yhre
Pfarckinder zu warnen vnd bewaren/ fur sunde vnd
schaden der Seelen/ Denn wer sich williglich von sei
nem herrn abwendet vnd zum Turcken begibt/ der
kan doch nymer mehr vnter dem Turcken bleiben mit
gutem gewissen/ sondern sein hertz wird yhm allezeit
sagen/ vnd straffen also/ Sihe du bist an deinem Ober
herrn treulos worden/ vnd hast yhm den schuldigen
gehorsam entwand/ vnd yhm seines rechts vnd Ober
keit an dir heraubt/ Tu kan kein sunde vergeben wer
den/ das gestolene gut mus widder gegeben seyn/ Wie
wiltu aber deinem herrn widder geben/ wenn du vnt
er dem Turcken bist/ vnd kansts nicht widder geben?
So wird denn gehen müssen/ der beyder eins/ das du
dich ewiglich muhen vnd arbeiten must/ wie du wid
der vom Turcken zu deinem Oberherrn komest/ odder
must ewiglich rew/ leide vnd vnruhe haben ynn deis
nem gewissen (Gott gebe/ das nicht verzweiffeln vnd
ewiges sterben folge) das du dich vnter den Turcken
an not/ williglich gegeben/ widder deinen eyd vnd
pflicht/ Vnd must also mit dem leibe dort seyn/ Aber
mit dem hertzen vnd gewissen dich heruber sehnen/

Süß

Was

Was hastu denn gewonnen? Warumb bleistu nicht
vorhin heruben?

Zum Andern/das solche trewlose/ abtrunnige/
meyneidige leute/ vber das alles/ noch viel gewlicher
sunde thun/ nemlich/ das sie sich teilhafftig machen als
ler gewel vnd bosheit der Turcken/ Denn wer sich
williglich vnter die Turcken gibt/ der macht sich yhr
geselle/ vnd mitgenossen alle yhrer thaten/ Tu haben
wir droben gehört/ was der Turck fur ein man sey/
nemlich/ ein verstorer/ feind/ vnd lesterer vnsers herrn
Ihesu Christi/ Vnd an stat des Euangelion vnd glau
bens/ seinen schendlichen Mahometh vnd alle lügen
auffricht / Dazu alle weltliche Oberkeit vnd haus
sucht odder ehestand verwüstet/ Vnd sein kriegen nis
chts anders/ denn Mord vnd blut vergiessen ist/ als
eins rechten Teuffels gezeug/ Sihe/ solcher schreck
licher gewel mus der teilhafftig seyn/ wer sich selbs
zum Turcken gesellet/ vnd wird alle der Mord vnd al
le das blut/ so der Turcke yhe vergossen hat/ auch al
le die lügen vnd vntugent/ damit er Christus Reich
verstoret vnd die seelen verfurt/ auff seinen kopff kom
men. **Es ist iamers gnug/** Wenn yemand mit gewalt
vnd vnwillen mus vnter solchem bluthunde vnd Teuf
ffel seyn/ seine gewel sehen vnd hören/ wie der frus
me Lot zu Sodom thun vnd sich leiden musste/ als S.
Petrus schreibt/ Ist nicht not/ solchs williglich zu such
en odder begeren.

Ja wie viel lieber solt einer zweymal/ als ein ges
horsamer/ vnter seinem Oberherrn ym Kriege ster
ben/ denn das er müste/ wie ein armer Lot/ vnter sol
che Sodom vnd Gomorren mit gewalt bracht wer
den/ schweige denn/ das ein frumen menschen/ gelüf
ten

92.
ten solt/sich williglich drein zu geben/dazu mit vnges
horsam vnd widder Gottes gebot vnd eigen pflicht.
Das hiesse sich nicht alleine teilhafftig machen aller
des Turcken vnd Teuffels bosheit/sondern die selbi
gen auch stercken vnd fodderen/gleich wie Judas nis
cht allein der Juden bosheit widder Christum teils
hafftig sich machet/sondern auch stercket vnd halff.
Pilatus aber nicht so vbel handelt als Judas/wie
Christus zeuget Johan. xvij.

zum Dritten/Ist auch das solchen leuten eins
zubilden durch die Prediger/Wenn sie sich schon vns
ter den Turcken geben/so haben sie es damit auch fur
sich selbs nichts gebessert/Vnd wird yhn gar weit fey
len yhr hoffnung vnd anschlege/Denn es ist des Tur
cken weise/das er alle/so etwas sind odder haben/nis
cht lest bleiben/da sie wonen/sondern setzt sie weit en
hindern ynt ein ander land/da sie verkaufft werden
vnd dienen müssen/Vnd gehet yhn denn nach dem
sprich wort/Lauff aus dem regen vnd fall yns was
ser/Vnd/heb einen teller auff vnd zu brich eine schuss
sel/das aus vbel erger wird/Vnd geschicht auch kaum
recht/Denn der Turck ist ein rechter Kriegsman/der
wol anders weis mit land vnd leuten vmbzugehen/
beyde zu gewinnen vnd zu behalten/denn vnser Key
ser/Könige vnd Fürsten/Er trawet vnd gleubt nicht
solchen abtrunnigen leuten/Vnd hat den nach druck/
das ers thun kan/vnd darff nicht also der leute/wie
vnser Fürsten. Solchs sage ich müssen die Prediger
vnd Pfarher/bey solchen abtrunnischen leuten thun
mit vleissigem vermanen vnd abschrecken/Denn es ist
auch die warheit vnd not/Sinden sich daruber/die
solchs vermanen verachten/vnd dis alles sich nichts
G lassen

lassen bewegen/Wolan die las ymer hin faren zum
Teuffel/wie S. Paulus die Griechen/vnd S. Petrus
die Jüden lassen müsten/Es sol drum die andern ni
chts erschrecken/Ja ich wolt/wenns zum streit keme/
das solcher keiner vnter des Keyfers panier were odder
der bliebe/sondern alle sampt schon bey dem Turcken
weren/Sie wurden deste ehe geschlagen/vnd solten
dem Turcken ym streit schedlicher denn nützer seyn/
als die beide ynn Gottes/Teuffels vnd der welt/vns
gnaden sind/vnd als die zur Hellen gewislich verur
teylet/Denn widder solche böse leute ist gut streiten/
die so öffentlich vnd gewis verdampt sind von Gott
vnd der welt/Man findet manchen wüsten verzwei
felten bösen menschen/Aber was etwas vernunft
hat/wird sich on zweiffel an solche vermanung wol
keren/vnd sich bewegen lassen/vnter dem gehorsam
zu bleiben/vnd yhre Seele nicht so frech ynn die Hel
le zum Teuffel schlahen/sondern viel lieber/vnter yh
rem Oberherrn mit allem vermügen streiten vnd sich
druber von den Turcken erwürgen lassen.

So sprichstu abermal/Ist doch der Bapst wol
so böse/als der Turcke/Welchen du auch selbst den En
dechrist schiltest mit seinen geistlichen vnd anheng
ern/So ist widderumb der Turcke wol so frum als
der Bapst/Denn er bekennet ia die vier Euangelia
vnd Mosen sampt den Propheten/Solt man denn
widder den turcken streiten/so must man eben so wol
odder viel mehr widder den Bapst streiten etc.
Antwort/Ich kans nicht leucken/Der Turcke helt die
vier Euangelia für göttlich vnd recht/so wol als die
Propheten/Rühmet auch Christum vnd seine mut
ter fast/Aber er gleubt gleich wol/das sein Maho
meth

93
meth vber Christum sey/vnd das Christus kein Gott
sey/wie droben gesagt ist/Gleich aber wie wir Chris-
ten das Alte Testament auch für Göttliche schrift
erkennen/Aber doch nu es erfüllet ist/vnd wie S. Pe-
trus sagt/Act. 15. on Gottes gnade zu schwer ist/
wirds durchs Euangelion auffgehoben/das vns nis-
cht mehr bindet.

Eben dem nach thut der Mahometh mit dem E-
uangelio/gibt für/es sey auch wol recht/Aber es ha-
be lengest ausgedienet/sey auch zu schwer zu halten/
nemlich ynn den stücken/da Christus leret/das man
alles verlassen sol vmb seinen willen/vnd Gott lie-
ben aus ganzem hertzen/vnd der gleichen/Darumb
habe Gott ein ander new gesetz müssen geben/das ni-
cht so schwer sey/vñ die welt müge halten/Vnd das
selbige gesetz sey/der Alkoran/Wenn aber yemand
fragt/warumb er kein wunderzeichen thu/zu bestet-
tigen solch new gesetz/spricht er/Es sey nicht not vnd
vmbsonst/Denn es haben doch die leute vorhin viel
wunderzeichen gehabt/da Moses geseze vnd das E-
uangelion auffgieng/vnd glaubten doch nicht. Dar-
umb müsse sein Alkoran nicht durch vergebliche wun-
derzeichen bestettiget werden/sondern mit dem sch-
werd/welchs bas nach drucket/denn die wunderzeich-
en/Vnd ist also auch gangen/vnd gehet noch also/
das bey den Turcken/an stat der wunderzeichen/das
Schwerd alle ding ausrichtet.

Widderumb ist der Bapst nicht viel frumer/vnd
sihet dem Mahometh aus der massen ehnlich/denn
er lobet auch mit dem munde die Euangelia vnd gan-
ze heilige schrift/Aber er helt/das viel stück dryn
G ü nen

nen vnd eben die selbigen / so die Turcken vnd der Ma
hometh zu schwer vnd vnmüglich achten / als die
Matth. 5. darumb deutet er sie vnd machet Consilia
draus / das ist rethe / die niemand zu halten schuldig
sey / on welche es gelüftet / wie denn solchs vnuerscham
pt / Paris / sampt andern hohen Schulen / Stiffen vnd
Klöstern bisher geleret / Darumb regieret er auch nicht
mit dem Euangelio odder Gottes wort / sondern hat
auch ein new gesetz vnd einen Alkoran gemacht / nemo
lich sein Decretal / Vnd treibt dasselbige mit dem
Bann / gleich wie der Turcke seinen Alkoran mit dem
Schwert / Er heist auch denn Bann sein geistlich
schwert / welchs doch allein das Gottes wort ist vnd
heissen sol / Ephe. 6. Nicht deste weniger / wo er kan /
braucht er auch des weltlichen schwerts / odder rufft
yhe zum wenigsten dasselbige an / vnd hezt vnd reizt
andere dazu / Vnd bin des guter zunerficht / Wo der
Papist das weltliche schwert so mechtig kündte füren /
als der Turcke / Es solt an gutem willen villeicht weni
ger denn bey dem Turcken mangeln / wie sie denn offte
versucht haben.

Vnd Gott druckt auch auff sie alle beyde mit
gleicher plage vnd schlegt sie mit blindheit / das yhn
gehet / wie S. Paulus Rom. 1. sagt von dem schendlich
en laster der stummen sunden / das sie Gott ynn verke
reten synndahyn gibt / weil sie Gottes wort verke
ren / Denn so blind vnd vnsynnig ist beide Papstum
vnd Turcke / das sie beyde die stummen sunde vnuers
schampt treiben als ein ehrlich loblich ding. Vnd die
weil sie den Ehestand nicht achten / geschicht yhn
recht / das eitel hunde hochzeit / Vnd wolt Gott / das
eitel

99
eitel hunde hochzeit weren/ Ja eitel Welsche hochzeit vnd florentzische breute/bey yhm sind/Lassen sich dazu duncken/es sey wolgethan/Denn ich gewolich vber gewolich ding höre/welch ein öffentliche herrliche Sodoma die Türckey sey/So weis ia ein iglicher wol/wer zu Rom vnd ynn Welschen landen sich ein wenig umbgesehen hat/mit waserley zorn vnd plage daselbst Gott die verbotten eherechent vnd strasset/das man Sodom vnd Gomorra/so vorzeiten mit feur vnd schwefel versenckt sind/ein lauter scherz vnd furspiel mus seyn lassen/gegen diese gewel/das mir auch dieses stuck's halben/des Türcken regiment gar hertzlich leyd/ia gar vnleydlich sein solt ynn deudschen landen.

Was sollen wir denn nu thun? sollen wir widder das Bapstum auch kriegen/so wol als widder Türcken/weil einer so frum ist als der ander? Antwort/ Einem wie dem andern/so geschicht niemand vnrecht/Denn gleiche sunde / sol gleiche straffe haben/Das meine ich also/Wo der Bapst sampt den seinen auch mit dem schwerd/das Keyserthumb angreifen wolte/wie der Türcke thut/so sol er so gut sein als der Türcke/wie yhm denn newlich fur Pania auch geschehen ist von Keyser Carls heer/Denn da stehet Gottes vrteil/Wer das schwerd nympt/sol durchs schwerd vntkomen/Denn ich widder den Türcken odder Bapst nicht rate zu streiten seines falschen glaubens vnd lebens halben/sondern seines mordens vnd verstorens halben/ Aber das beste am Bapstum ist/das es das schwerd noch nicht hat/wie der Türcke/sonst wurde er sich gewislich auch vnter stehen/alle welt vnter sich zu bringen/ Vnd

Vnd brechte sie doch nirgent hin denn zu seines Mo-
korans/das ist/seiner Decretalen/glauben/Denn das
Euangelion odder Christlichen glauben acht vnd
kennet er ia so wenig als der Türcke/wiewol er auch
mit fasten(die er doch selbst nicht helt) eine grosse
Türkische heiligkeit furgibt/vnd sind also des rhus-
mes wol werd/das sie dennoch dem Türcken gleich
sind/ob sie wol Christo widder sind etc.

Aber widder das Papstum/seines yrthumb vnd
bösen wesens halben/ist der Erste man herr Christi-
anus auffgewacht vnd greiff yhn mit dem gebet vnd
Gottes wort frisch an/hat auch getroffen/das sie
es fulen vnd wüten/Aber es hilfft sie kein wueten/die
art ist an den baum gelegt/der baum mus ausgewur-
zelt werden/wo sie nicht ander frucht bringen/als
ich denn wol sehe/das sie gar nichts sich gedencen zu
bessern/sondern yhe lenger yhe halstarriger werden
vnd wollen mit dem kopff byndurch/Vnd rhümen/
Drein odder druber/Bisschoff oder Bader/Vnd halt
sie wol so frum/ehe sie sich besserten odder von yhrem
schendlichen wesen abliessen(das sie doch selbs vnd als
le welt bekennen/das nicht tang noch leidlich ist)sie
begeben sich ehe/zu yhrem gesellen vnd bruder dem hei-
ligen Türcken/Wolan vnser hymlischer Vater erhöre
auch yhr eigen gebet balde/das wie sie sagen/Drein
odder druber/Bisschoff odder Bader werden/Amen/
Sie wollens so haben/Amen/das geschehe vnd wer-
de war/wie es Gotte wolgefellet.

Weiter sprichstu/Wie kan der Keyser Carol zu
dieser zeit widder den Türcken streiten/weil er solch
grosse hindernis vnd verretherey widder sich hat/
Von

95

Von Königen/ Fürsten/ Venedigern vnd schier von
yederman. Antwortet/ Was man nicht heben kan/ sol
man liegen lassen/ können wir nicht weiter/ so müssen
wir vnsern herrn Ihesum Christ/ durch seine zukunfft
lassen raten vnd helffen/ welcher doch nicht ferne sein
kan/ Denn die welt ist ans ende komen/ Das Römisch
reich ist fast dahin vnd zu rissen/ vnd stehet gleich wie
der Juden Königreich stund/ Da Christus geburt na-
he komen war/ hatten die Jüden schier nichts mehr
von yhrem Königreich/ Herodes war die letzte/ Also
dunckt mich igt auch/ weil das Römisch Keyserthum
fast dahin ist/ sey Christus zukunfft fur der thür/ Vnd
der Turck sey solchs reichs die letzte/ als eine vbergas-
be nach dem Römischen Keyserthum. Vnd gleich wie
Herodes vnd die Jüden aneinander feind waren/
vnd doch widder Christum zu samen hielten/ Also sind
Türcke vnd Papstum auch vntereinander feind/ Vnd
halten doch widder Christum vnd sein reich zu samen:

Doch was der Keyser thun kan fur die seinen
widder den Türcken/ das sol er thun/ auff das/ ob er
nicht ganz solchem gewel steuren kan/ doch so viel es
möglich ist/ mit weren vnd auffhalten sich vleyssige/
seine vnterthanen zu schutzen vnd retten. zu welch
em schutz solt den Keyser nicht allein bewegen seine
schuldige pflicht/ Ampt vnd Gottes gebot/ Nicht al-
lein das vnchristlich vnd wüst Regiment das der
Turck ynn die land bringet/ danon droben gesagt ist/
sondern auch der iamer vnd das elend/ so den vnter-
thanen geschicht/ Welchs on zweiffel sie wol besser
wissen denn ich/ wie der Türcke grausamlich handelt
mit denen/ so er gefangen weg furet/ gleich wie mit
eyn viehe/ schleiffet/ schleppt/ treibt/ was fort kan/

G iij was

was aber nicht fort kan/flugs erstochen/es sey iung
odder alt etc. Welchs alles vnd der gleichen billich
solt alle Fürsten vnd das ganze reich zur barmher-
zigkeit bewegen/das sie yhr eigen sachen vnd had-
der eine weil vergessen odder liegen lassen / Vnd
hie/mit ganzem ernst eintrechtiglich den elenden
hölffen/das nicht vollend gehe/wie es mit Constanz
tinopel vnd Kriechen land gieng / Welche auch so
lange miteinander hadderten vnd yhrer sachen war-
teten/bis der Türcke sie alle miteinander vber wel-
diget/wie er denn schon auch vns/eben ynn gleicher
sachen/ fast nahe komen ist/ Sols aber nicht seyn/
vnd vnser vnpusfertig leben/vns aller gnaden/
rats vnd trosts vnwerd machet/so müssen wirs las-
sen gehen/vnd vnter dem Teuffel vns leyden/Aber
damit vnentschuldigt/die/so hie helffen solten/vnd
thuns nicht.

Ich wil aber hiemit gar deüßlich gesagt vnd bes-
zeuget haben/das ich nicht vmbsonst den Keyser
Carol genennet habe/den man / der da widder den
Türcken kriegen sol/Andere Könige/Fürsten odder
Oberkeit/so Keyser Carlon verachten odder nicht vn-
terthan sind odder nicht gehorsam seyn wollen/die
las ich yhr ebentheur stehen/Auff mein raten odder
vermanen sollen sie nichts thun / Ich hab Keyser
Carl vnd den seinen hierynn geschrieben/die andern
gehen mich nichts an/Denn ich kenne den stolz wol
ettlicher Könige vnd Fürsten/die gerne wolten/das
Keyser Carl nichts were/vnd sie selbs weren die hel-
den vnd meister/die widder den Turcken ehre ein-
legten/ Ich gan yhn der ehren fast wol/Werden sie
aber auch drüber geschlagen/ so haben sie es yhnen.
Warumb

26
Warumb halten sie sich nicht mit demut an das rech-
te heubt vnd ordenliche oberkeit/ Die auffrur ynn den
baurn ist gestrafft / Solt man aber den auffrur ynn
den Fürsten vnd herrn auch straffen/ Ich acht/es sol-
ten gar wenig Fürsten vnd herrn bleiben/ Wolan
Gott gebe/das der Türcke nicht zu solcher straffe mei-
ster werde Amen.

Am ende/ wil ich gar freundtlich vnd treulich ges-
raten haben / wenns dahin kompt / das man widder
den Turcken streiten wil/ So wolte man sich ia so rü-
sten vnd drein schicken/ das wir den Turcken nicht zu
geringe halten/ vnd stellen vns / wie wir Deudschen
pflegen zu thun/ Komen daher mit .xx. odder .xxx. tau-
sent man gerüstet/ Vnd ob vns gleich ein glück besche-
ret würd/das wir gewinnen/haben wir keinen nach-
druck / setzen vns widderumb nidder vnd zehen ein-
mal/bis widder not wird. Vnd wie wol solch stück zu
leren ich vngeschickt bin/ vnd sie selbs freylich besser
wissen odder yhe wissen solten. Weil ich aber sehe/
das man sich so kindisch dazu stellet/mus ich dencken/
das entweder die Fürsten vnd vnser Deudschen des
turcken macht vnd gewalt nicht wissen noch gleuben/
odder kein ernst sey widder den Turcken zu streiten/
sondern villeicht/wie der Papst bis her mit dem na-
men des Türckischen krieges vnd ablas/das gelt aus
Deudschen landen geraubt hat/also wollen sie auch/
dem Bepstlichen exempel nach / izt vns auch vns
gelt nerren.

Darumb ist mein rat/das man die rüstung nicht
so geringe anschlahe/ vnd vnser armen Deudschen nis-
cht auff die fleischbanck opffere. Wil man nicht eis-
nen

nen statlichen redlichen widderstand thun/der einen
nachdruck habe/so were viel besser/den streit gar nis
cht angefangen/vnd dem Turcken/on vergeblich blut
vergiessen/zeitlich eingereümet land vnd leute / denn
das er mit solcher leichter schlacht vnd schendlich blut
vergiessen doch gewinnen solt/ Wie es geschach ynn
Hungern mit König Ludwigen / Denn widder den
Turcken kriegen ist nicht / als widder den König von
Francreich/Venediger odder Bapst kriegen / Er ist
ein ander kriegs man. Er hat volck vnd gelts die mens
ge/Er hat den Soltan zwey mal nach einander ges
schlagen/ da hat volck zu gehöret. Lieber/sein volck
sitz teglich ynn der rustunge/das er bey drey oder vier
hundert tausent man bald kan zusammen bringen/
Wenn man yhm ein hundert tausent man abschlige/
so ist er bald widder da mit so viel man / vnd hat doch
den nachdruck.

Darumb ist's ia nichts/das man yhm wolt bege
genen mit funffzig odder sechzig tausent man/wo nis
cht noch so viel odder mehr/ym hinder halt ist / Denn
lieber zeile du sein land. Er hat ganz Kriechen/Asian
Syrien/Egypten/Arabien 2c. das ist/ so viel landes/
das wenn gleich/ Hispanien/ Francreich/ Engelland/
Deudschland/ Welschland/ Behemen/ Hungern/ Po
len/ Denemarck/ alle zu samen gerechent werden/den
noch seinem lande noch nicht gleich sind/ Vnd er ist
dazu der selbigen alle mechtig ynn trefflichem bereis
tem gehorsam/ Vnd sitzen auch (wie gesagt) ynn teg
licher

licher / merylicher rustung vnd vbungem des streits /
das er kan nach drucken / vnd zwo / drey / vier grosse
schlacht nach einander vberliefern / wie er mit dem
Soltan beweiset hat / Es ist ein ander Maestet mit
diesem Gog vnd Magog / denn mit vnsern Königen
vnd Fürsten.

97

Solchs sage ich darumb / das ich besorge / meine
Deutschen wissens odder glaubens nicht / Dencken
villeicht / sie seyen alleine mechtig gnug / vnd halten
den Turcken etwa fur einen herrn / als den König
zu Francreich zc. dem sie leichtlich widderstehen wol
len. Aber ich wil warlich entschuldigt sein / vnd
meine zunge vnd fedder mit dem blut nicht beschweret
haben / so sich ein König odder Fürst allein / widder
den Turcken legt / Denn es heist Gott versucht / wenn
yemand mit geringer macht sich an einen mechtis
gern König macht / wie Christus ym Euangelio Lu
ce auch anzeigt / Sonderlich / weil vnser Könige nis
cht so geschickt sind / das man gottlicher wunder
werg sich bey yhn versehen mocht. Der König
zu Behemen ist izt ein mechtiger Fürst / Aber Gott
sey dafur / das er nicht allein sich an den Turcken
lege / sondern habe Keiser Carol zum heubtman vnd
nachdruck mit aller macht. Wolan / Wers nicht
glaubt / den las ichs aus der erfahrung lernen / Ich
weis wol / was des Türcken macht fur eine macht
ist / Es liegen mir denn die Historici vnd Geogra
phi / neben der teglichen erfahrung / welchs sie mir nis
cht thun / das weis ich.

h ij

Das

Das sage ich nicht darumb/das ich wolt die Könige vnd Fürsten abschrecken vom streit widder den Turcken/Sondern das ich sie vermane/weislich vnd mit ernst dazu sich rüsten / vnd nicht so kindisch vnd schlefferig die sachen angreifen/Denn ich wolt gerne/vergeblich blut vergiessen/vnd verlorne kriege/verkommen/wo es ymer gesein mochte. Dieser ernst were aber der/wenn vnser Könige vnd Fürsten yhre sachen die weil auff ein klewel wünten /vnd hierynn / beide kopff vnd hertz/beide hende vnd füsse zusammen thetten/das ein einiger leib were eines mechtigen hauffens/Aus welchem man / ob eine schlacht verloren wurde/nach zu setzen hette / Vnd nicht / wie bis her geschehen / einzele Könige vnd Fürsten hinan lassen ziehen/gestern den König zu Hungern/heute den König zu Polen/morgen den König zu Behemen/ bis sie der Turcke einen nach dem andern auffresse/ Vnd nichts damit ausgericht würd /denn das man vnser volck verret vnd auff die fleischbanck opffert vnd vn nützlich blut vergeust.

Denn wo vnser Könige vnd Fürsten eintrechtlich einander beystunden vnd hülffen/ dazu der Christen man auch fur sie bettet/Wolt ich vnuerzagt vnd grösser hoffnung sein/ der Turcke solte sein toben lassen/vnd einen man an Keiser Carol finden/der yhm gewachsen were. Wo aber nicht/sondern solt also gehen vnd stehen/wie es izt gehet vnd stehet / das keiner mit dem andern eines / noch vnternander trew/einiglicher fur sich ein man sein wil/ odder mit ein bettels reuterdienst zu felde zeucht / mus ichs geschehen lassen/wil auch zewarten gerne helfen beten/
Aber

98
Aber ein schwach gebet wirds sein / denn ich zu mal
wenig glaubens drynnen haben kan / das erhoret wer
de / weil man so kindisch / vermessenlich vnd vnfurfsich
tig / solche grosse sachen fur nympt / da ich weis / das
Gott versucht wird / vnd kein gefallen dran haben
mag.

Aber was thun vnser lieben herrn? Sie achtens
fur ein lautern schertz / Vnd wie wol es war ist / das
vns der turcke auff den hals komen ist / ob er gleich dis
iar nicht widder vns auszihen wolt / doch alle stunde
gerüst vnd geschickt fur handen ist / vns vngerusten
vnd vnberreiten anzugreifen / wenn er wil. So han
deln vnser Fursten die weil / wie sie den Luther vnd
das Euangelion plagen / das ist der Turcke / da ligt die
macht an / das mus fortgehen. Gleich wie sie auch
itzt eben zu Speyr thun / Da ist das grössste / vmb
fleissch vnd fisch essen zuthun / vnd der gleichen narn
werck. Das euch Gott ehre / yhr vntrewen heubter
ewr armen leute / welcher Teuffel heist euch so hefftig
mit den geistlichen vnbeholhenen sachen vmbgehen /
welche Gott vnd das gewissen betreffen / vnd so lass
vnd faul / die sachen handeln / die euch von Gott befol
hen / vnd euch vnd ewr arme leute angehen / itz ynn
der höchsten vnd nehesten not? Vnd damit nur hins
dert / alle die iemgen / die es hertzlich gut meinen vnd
gerne dazu theten / Ja singet die weil vnd horet Mes
sse vom heiligen geist / Er hat grosse lust dazu / vnd
wird euch vngheorsamen / widderspenstigen fast gnes
dig sein / weil yhr das lasset ligen / das er euch befol
hen / vnd das treibt / das er euch verboten hat / Ja der
böse geist mocht euch hören.

h ij Ich wil

Ich wil aber hie mit mein gewissen verwaret ha-
ben/denn wasserley masse vnd weise / ich zum Türcken
Kriege/rate/sol dis Büchlin mein zeuge sein / feret yes-
mands anders/den las ich faren / Gott gebe /er siege
odder lige. Ich wil seines sieges nicht genieffen vnd
seiner niddelag nicht entgelten / sondern von allent
vergeblich vergossenem blut entschuldigt sein / Denn
wie wol ich weis/das ich mit diesem Buche keinen gne-
digen herrn am Turcken finden werde / so es fur yhr
kompt/so hab ich doch meinen deudschen/die warheit/
so viel mir bewust/anzeigen/vnd beide danckbarn vnd
vndanckbarn trewlich raten vnd dienen wollen/
hilffts so hilffts/ hilffts nicht/ so helffe vnser lieber
Herr Ihesus Christus/vnd kome vom hymel erab mit
dem iungsten gericht/vnd schlage beide Turcken vnd
Bapst zu boden/sampt allen tyrannen vnd gottlosen.
Vnd erlöse vns von allen sunden/vnd von allem vbel/
A M E N.

Gedruckt zu Wittenberg durch
Hans Weifs M. D. XXIX.
Am. XVI. tag des April.

99.





Tb 3805

X2209998

Art.



B.I.G.

Farbkarte #13

Blue

Cyan

Green

Yellow

Red

Magenta

White

3/Color

Black



Vom kriege
widder die
Türcken.
Von Mar. Luther.
M. D. XXVIII.
Wittenberg.

